



好深湛思室詩存卷十一

吳孫義鈞和伯氏著

上章困敵

吳太平磚硯歌

西湖僧得此磚既治為硯復乞子顏其室用天

發神識體書以報之

綠天庵裏顛師顛吉金樂石平生緣明州古磚此晚出

得之三百青銅泉雙魚文類漢銅洗太平旁紀孫吳年

師也嗜古有積習廢冢可汲塘可穿牆窪穢陰恣搜剔

好深湛思室詩存

卷十一

斷塹拾取逾貝蛸幾輩料匠溷泥水一朝墨史揮雲煙

匣以文槩籍罽錦既登硯史還題楊赤烏三傳遽凌替

閻主嬖奄朝柄專文臣入磚久罷直史臣載筆紛無權

空有天塹任瓦解石頭一片降旛連宮壁舉烽青蓋出

何有廢礫薶荒煙古物顯晦亦非偶披榛剜蘚誰求旃

櫻桃傳舍柞宮造

漢瓦當有櫻桃傳舍字錢獻之學博在秦中得五柞宮甄因制為硯

秋同證金壺仙慕古矧此我家物遠出寶鼎元興前半

壁淪棄幾人世殘山一角空銘鐫幸歸經案涵淨水佐

書貝筴傳燈傳為師更作天發神識體用爾皇象之筆

題如椽

王故宮詞

珊瑚來故遲錦帳貯相思善睐顧傾國寵恩非舊時哀

蟬助落葉只憶漢宮詞

玉甌浮蟻色湘箸是犀文燕舞蹴花落掌上態輕勻誰

信輕辭去畱仙擘皺裙

竹葉引羊過君恩何處多鶴籥傳阿監魚軒導內家侯

夫人不見藥裏進如何

芳樂苑生苔青青玉闈蕙眉邊將柳學步下愛蓮開誰

好深湛思室詩存

卷十一

說玉兒死神仙殿裏來

可憐淑儀殷誅剩謝莊文梅殿猶安額蕙幃已斷魂時

時引通替誰復省君恩

臨春面面窗花月詠春江玉樹已凋謝紅燕助蕙香金

井深深誓泉淵恨不雙

延和弔故宮昭儀絕世容紈扇怯風蚤晶簾怨漏重如

何持梵唄香瘞苑花紅

紅玉腕邊環香銷謝阿蠻一曲霓裳罷烏啼花又殘可

憐南內月不照舊眉山

娥皇廿九春宮錦黯然陳雲桂散薌澤月榭斷歌塵誰  
贖香螺黛瑤光殿裏人  
金明池水香畫鷁水嬉張應弦出比目豹尾屬車翔饒  
是孤雲技難描宮樣裝

南田翁有戲仿米虎兒雲山圖偶一臨之  
墨雨生硯池巖翠落毫素疑入瀟湘游滿堂起雲霧

雜感

輕薄看今輩寂寥成古狂潛身宜酒頌玩世託歌場試  
劍瑩鴉鵲傾壺典鷓鴣徒然塵范釜因熱愧鴻光

好深湛思室詩存

卷十一

三

奇服空余好年時補女蘿類眞狐兔是走奈馬牛何駿  
骨求知少蛾眉見嫉多金銀誠識氣不耐手摩挲

讀漢書南粵傳

烽火新傳起粵臺如何蠻徼失柔懷徵來羽翼忘媒毒  
權到船縉恐政乖陸賈徒知治金橐君房竟欲棄珠厓  
由來負海輕反側議徒曾聞江與淮

湟關北阻駱西連閒起囂佗負固年使者一函封節綬  
將軍幾輩下樓船蠹蟲有器猶通市牛馬成牢忽犒邊  
空使句章將韓說何時橫海凱歌旋

鷗捕魚

漁翁捕魚江之濱船脣三五連鷗羣一棹晚煙傍叢荻  
羣鷗相對饑鳴蹲明察淵魚時獻捷泗入深泓恣漁獵  
爲翁盡力敢充腸獺祭翁前吐鱗鬣嗟哉口腹不自謀  
纖鱗瑣尾勞應酬巧爲翁役饜翁欲幸免烹狗藏弓憂  
不見盛時出侯牧賸取民膏縱貪黷一朝綈騎倏見收  
鰓藏徒爲內府足竭澤莫漫嗚漁翁欲取姑與將毋同  
爲君漁利致君戮卻羨翁鷗有始終

八萬前定海行

好深湛思室詩存

卷十一

四

八萬里遙海氛惡天狼舐血旄頭落一朝大樹疾風摧  
昌國城墟委瓊酪誰與貉藁滋鬼方乾軸迴絕窮岡宸  
九萬鯤鵬搏渤澥四五蛇鳥陳雷硯何年糞土來荒服  
煙霞痼疾染民速本來夷性競狼貪遽令中國煤鳩毒  
粵嶠閉關厲禁朝楚人一炬土誠焦東越幾經縱王郢  
西夏何曾制囊霄颶風南起鸞帆走蟹甲橫行鼉鼓吼  
困獸誰知有鬪心長鯨欲掣偏徒手螳臂當車鼯跳梁  
大觚遠戛火龍翔九天鼙角十洲沸雉堞孤懸秋弛防  
直逼彈丸勢吞海檄來片刻傳青葢下瀨矇矓少鬪船

荒郊鳥鼠多空壘裂皆睚陽氣薄雲礮車手發電星奔

堪恨矢亡援絕候回頭先已潰三軍鴟鳴鏑紅硝烈

折脛洞胸流碧血裹尸馬革壯夫心囊骨鴟夷忠勇節

嚙齒亦張師亡不獨存擯揮醫藥絕饗殮已見姚洪能

徇國更有全琮不負恩謂定海姚大令誰疏乖方復愎

諫堂堂大節應申辨孤忠賚恨九原深孰為張巡裁別

傳五齋詩大

董琴涵丈都轉粵東辭官竟歸以書來諗次贈詩

韻卻寄

好深湛思室詩存

卷十一

喜君遂初賦已權越船過宦達知非早機先鑿遠多止

應起馬服誰與靖鯨波我亦懷張邴丹臺試養和

定海姚大令懷祥徇英夷之變伊莘農節相哀之

以詩次韻一首

潰圍力竭更援窮守土微臣氣轉雄徼外久懸蛇鳥陣

海隅忽競馬牛風斷頭自古無降將謂張嚙指偏能其

死忠兼指全回首鼇峯荒壘在成仁高節更誰同

重光赤奮若

贈陳明經福熙卽書山亭話別圖冊後

伽陵已不作樊榭邈堪懷各有千秋業重看並世才爲

餘仙友厲駭谷作昌亭會折柳梵院遲探梅翁州梵慧院有老梅晏敦復題詩見

吳方歸故云我正攜琴至成連訪未回厲方出游

二月四日伊莘農節相命將出師以征英夷夷來

歸我定海遂釋其俘晏突德等還之夷感泣乞

盟而去鈞奉相檄獲與行間敬成短章以當凱

樂

振旅九瀛東樓船日照中豚魚孚可格蠻貊信能通冒

頓曾鳴鏑祁連午挂弓祇今拾遺鏃都在鎮鼇峯

好深湛思室詩存 卷一 六

殷有鬼方伐姬將大狄攘越頻耀組練吳已獲餘艘謂姚

江之捷汪大令仲洋權餘姚夷舟游奕外洋大令計誘

之沈閣三桅大船一艘舳板二并夷礮二具他物稱是

礮鐵質製劇精密重至七百二十斤有奇鈞解甲憑行蟹

當車竟類螳阿衡持重意一會用冠裳謂八月十日事

命將句章出元戎於捷文間多藏九地師已誓三軍神

貢雷車發飛書露布聞槌牛饗士會潞國正銘勳

誰似鄭都護威名橫海無謂鄭雪堂都督丈是役也節

千武弁百餘文吏八人都射潮集犀兕跋浪靖鯨魚成

合唐三鎮唐制以魏博成德盧龍爲三鎮載將鬼一車謂晏突還聞

寬大詔回鵲釋魁渠

介士仍微服全軍合枕戈白衣搖櫓易赤幟樹營多鈞

與托參戎雲保諸將士皆易服以行侵地齊知返俘戎魏許和謂節相使張某受相

旨者澄清寰瀚日奏凱進饒歌

鯤居大瀛海蟻習小渾天夷本西南遠師方朔北旋時

撤北可攻知彼久不戰屈人先古聖懷柔訓誰將

省兵

聖德宣

築城謠  
昔人築礮臺沈門百里防海來沈家門在定邑東百里而遙舊有礮臺可扼嶮

好深湛思室詩存

卷十二

七

以守今廢今人築土城郭外三里來屯營土城二尋倍之厚

城高還要官兵守昨聞軍令且徵發不守巖關守閨闈

鑄礮長歌

石車發貢古制彰遠攻用之長兵長誰歟火器更濫觴

始自有明來佛郎昨歲營造稽句章頗興工作言能詳

厥工冶氏先陶旗色備社土塼埴良不憚千杵搗元霜

若刀若尺若版牀圓者中矩車轉廂鍼以測圓定中央

困廩合蓋算可商肉好舛侈形端相塊然委地如鼓匡

彌月就燥工有常先營窟室盈丈方胚胎始基伏池隍

模絕而下隧之庸節節肋合筭鬪將有耳提挈口噏張  
螺旋其頂何昂藏卓爾鐵幹居中堂

俗作堂  
謂模心

位置妥帖

偏頗亡翌日洪造天竈煬銅山尋鑿微洱蒼獸炭楫楸

闔中阬地鑪有脈風有房飛廉御尻箕簸揚鼓盪元精

燭天閭巡鑪四隅鵠衣裳鞭扶徒衆如羣羊越晝夜銀

蜚虹光冶師辨色純青剛鑿孔穴出金液黃紫電烟爍

火龍翔若鸞若詆挹注忙十夫昇走扛屋梁傾鎔奔瀉

交騰驤百沸駭看鼎鑊湯景炎飛爆走倉皇庸顧焦灼

肌膚傷冶師審模手敢攘布灰范中用稻芒星燄甯靜

好深湛思室詩存

卷十一

八

沸不颺物理微眇誰能量鎔金既滿模相莊外繚鐵綆

輪回腸塗壑蟻孔窮毫茫渾淪一氣凝陰陽訢合無間

溫候涼削斲模土斧兼斲黝然其質韜精銳磨之礪之

月既望

時方造  
銅礪

澤可鑿髮體截肪叩之清越聲琅琅半

腰捆載龜首昂三軍在前百萬當昨者西夷侵我疆海

嶠氛起秋潰防有令嫺畧推姚江師誘之進沙膠航

汪

令餘姚

俘厥戎醜獲餘艘中有礪車昆吾鋼

鐵

礪范金之

役命不遑惟鈞與令交助勦

鈞與大令奉  
檄同筦礪局

規模夷式相

頤頤首銳口弇厚均牆三分其一耳在旁重率七百廿

斤強名曰平夷文焜煌義示服遠徵嘉祥霹靂一聲破  
穹蒼遼丸逆走鳴鳴鷓如鞞枉矢追天狼方春太白纏  
西羌黔陽煉銅鼓其鏜安得此車徧徼荒風雷百道掃  
櫓槍神器利用張戎行寰海又安天祚昌國婚同慶  
林少穆制府珠江送別圖題句

珠江共識使君舟自有盟心碧水流此地文公會謫宦  
千秋尚有思韓樓

新傳烽起粵王臺幾輩將軍橫海來空有樓船下戈瀨  
五溪未展伏波才

好深湛思寧詩存

卷十一

九

政事文章朝野傳一朝興替史臣編歸航止載鬱林石  
爲飲廉州刺史泉

幾似波臣託逝波舊游已作董逃歌謂琴涵丈都轉  
粵東方引疾歸宦

隨子過還吳日海船都從儋耳過

睡起偶占

一縷茶煙半榻雲醒餘猶把讀殘文自拚閒散同瓠落  
不礙瓜瓠作嬾人

後定海行

古來君命將闔外得自專成敗利鈍兩不問疆陲功著

從銘鏑幾見海防膺重寄百里遙制撓其權夷師旣退  
歸我地詔趣二鎮來防邊但當列戍修斥埃大簡軍實  
徵樓船定遠胡爲代者輕文叔更遭讒者謫不知持重  
謂奕懦謂莘農節相已成毀棄拉朽摧枯然矧復王者不嗜

殺戮降戒出兵家篇剝膚寢皮棚畫腹未足耀武行何  
慎堂堂鄭都護師行輒身先一疏築臺沈門外再議增  
竈竹山前擯彼守遠策得使近攻便彼中亦有人贏師  
張其偏鰲峯之東五奎北旂幟礮石紛綿延巫臣傲楚  
計淮陰軍趙年盡我火器疲我衆潛伏精甲徑出曉楓  
好深湛思室詩存  
卷十一  
十一  
巔虛實與牽制都護謀畧誠轉圜馳驟更束縛寸籌莫  
展成備員鼉鯨牙眼憂大編豕突屢殪海西塙最後悉  
衆登郊埏紅稍飛鏑齊控弦田單火陣走幽燕越嶺升  
木孫趨捷頗中步伐齊不愆都護當衝在西隘手揮旗  
纛鞭弭相周旋用命者衆無退還霹靂車控列缺鞭遼  
丸迸走鳴鴟鳶爛頰鑠肌腹洞穿一腔碧血襴襜前止  
餘浩氣亘人天更有葛伏波破冰弭亂勳可傳一軍居  
中魚爛潰紛紛免胄歸里塵小人懷土無鬪志不若客  
兵可用營壘堅內間居肘臆汪直什百千鉞交其胸裂

昔怒一擢身付饑蛟涎彥章亦健兒摧鋒陷陣勇且鑿  
壽春葛誕銷烽煙一軍居東卧穹窿病起猶帶櫛具出  
後死獨徇長矛鏃三良片時盡千夫孤城捐凡茲轉戰  
六晝夜夷亦大創心憂悁鮫門大帥全師全任爾海島  
一旅懸矢亡力竭不見揮秦越居然視肥瘠安用彼相  
扶危顛道濟長城實自壞魏尙近幕空相連號滅虞焉  
存廉去趙自刳一朝鳧毛蔽海至成臯要隘秦灰然天  
驚石破山崩騫棘門兒戲委之去甲齊熊耳誰舍旃橫  
槩英姿有余闕董逃樂府何聯翩百步誰聽金聲填大  
好深湛思室詩存

卷十一

十一

帥以身殉溝瀆誓棄蠲城存一語見何小國家全局誰  
能肩獨惜西域老都護未盡其用魂沈淵空爲羊杜想  
裘帶孰從頗牧攻韜鍵我行作歌羌紀實言之不覺涕  
淚如流泉

旅邸口占

全家一舸雨風交拋管琴書典佩刀不信一寒過范叔

故人還許贈綈袍

周矩庵都督道出山陰遺十金而去

哀樂難將問謝公中年偏在亂離中備春賃廡尋常事

時挈婦寄居趙某偏屋

此地應無臯伯通

會稽寓旅大雪浹旬卧病不出用東坡聚星堂中

詩韻

姚江避兵舟似葉乍止稽山旋大雪移家已歎此離行  
倦旅喜當剝啄絕連朝壓甕畦蔬分盡日掩扃鄰竹折  
鴉拳古樹瘡不啼馬齧殘莖迹行滅人當久病待春回  
候逼週年驚電掣架有時晴晉帖文窖無火候唐花纈  
天開淨宇冰貯壺座挹清言玉飛屑時有鄂岳生刺史  
隨揚威將軍節來  
越枉道見呼僮凍作餓鴟蹲肅客過如厲鳥瞥鄂辭去  
甚疾  
訪訊夷事呼僮凍作餓鴟蹲肅客過如厲鳥瞥甚疾  
路梗山妻酒待沽朝飢文士餅堪說袁安僵卧百不知

好深湛思室詩存

卷十一

三

門外征夫卧衣鐵

時各省徵  
兵日至

疴疾用高青邱驅瘴詩韻

勞苦中憂患彌年身不支秋杪忽邁疴浹旬滋疴羸剝  
那陰陽戰寒序繼赫曦膚粟更齒戛震動誰能持初若  
冰淵墜旋作蒸黍炊挾纈思燠館袒衣求清池寒暑竟  
來往潮汐無愆期或憑豈爲厲安託置此軀遭時矧貧  
病寄居鮮爽噎不仁水帝子胡爲肆凌欺喜獲岐俞術  
柴果紛進施閒聽巫覡作磔禳從之驅謝彼枚生發和

我高子詩

好深湛思室詩存卷十二

吳孫義鈞和伯氏著

元默攝提格

張太守應雲中年聽雨圖題句

紀程楚尾與吳頭幾輩如君遂宦游漫爲竹山譜短令

一繩秋雁一扁舟

夜雨鳩江倚短篷如何聽水又聽風年華等是遺絲竹

鈞與太守同好音律誰向東山問謝公

一髮青山判越吳舊游卅載感羈孤銀鐙羅帳春如夢

好深湛思室詩存

卷十二

還憶吳孃度曲無

吳門同治游已三十年矣

無多舊雨雁離羣書劍相從又使君

太守從軍浙東子方同役我已

頭顱傷老大繫胡年少孰終軍

水檻

良夜細調簧風生水檻涼詞徵白團扇佩賭紫羅囊  
蘿村豔近若邪谿水香賸有紅襟燕還尋大道王

舟泊慈谿日中夷師大至遂出城西門逸

時二月四日

窮通兼得喪遭際良亦偶否泰與死生造物聽自取  
方病退掩關世事冥視久行間豈無才徵書及衰朽弓招

有將軍幣聘先故友既作虞封行旋向句章走戍邏正  
連綿山城布刁斗檣舟潮退膠襪被居隘湫

時與張白太守同

役從其

行營樂正未定舍會參已至寇脫身西南徂行李棄

恐後猝見弧矛張遽聽鉦鼓卸火礮矢石交電掣驚雷

吼從者結衣馳蛇行還蟹負飛彈春然鳴皇皇喪家狗

和蘭旋踵至倉促出道右蠶目深且顛蠆髮短分絡骨

節大專車拳擊捷同丸紫鼉迺奪朱厥類實戎醜我方

良其趾僕已掣見肘

一從者隨行為所獲復釋之

幸早去冠服得遂

伏映畝日薄投野人揮叱莫肯受衆叟加惡聲一兒祝

好深湛思室詩存

卷十二

二

稍厚終然置溷廁遑惜蔽褥禡盪日循山椒夷師紛對

對升木更爬嶺趨絕逐獠狗百里衆窮竄一命吾苟有

變往猶悸魂事定堪回首始信憂患來羌無朕兆剖幕

府安足依田園請歸守得喪死生間漠然付杯酒

鄭个伯假司馬鼎臣奉揚威將軍檄移師蛟門道

出會稽見訪感懷卻寄

話別明州又越州來從歐冶覓吳鉤李當戶未隨軍沒

桓內史終復父仇獨有心雄遮黠虜豈無舌在說諸侯

引杯看劍聞雞起重領樓船東海頭

將家子本數韓王志切檻車俘鬼章手盡黃金皆部曲  
腰懸墨經竟戎行時經離亂交游重話到死生涕淚長  
更盡一觴酌太白留君赤羽射天狼

時子亦奉將軍檄從軍海上與司馬

同

吳山漫占

重向明湖酌酒杯層層青豆曲房開依然第一峯前路  
曾有人思立馬來

峯排南北暮山青簾捲高樓列畫屏合向湖隄策驢背

有名題上翠微亭

飛來峯翠微亭清涼居士所題名也

好深湛思室詩存

卷十二

三

恭呈揚威將軍奕協揆得詩百韻

景運儲英碩

熙廷翁治昌孕鍾原岳瀆親貴本

天潢列傳資調鼎瞻台應戴筐

兩朝方弼輔五鞮備嘉祥仙牒推長白門才習大黃麟

振族蕃衍龍種世騰襄

賜第弓珪集分藩帶礪長桐封頌介弟茅冊冠諸王偉

矣瓊枝秀翩然珠樹行韋詩堪述德范視故流芳

謂成邸孫

元子承姬旦朱虛紹漢章翦鬢佩犖繡毀齒業縹緗胄

學探文笥家丞益智囊春華復秋實玉質受金相粵自  
清班值蚤聞令譽彰期門欣飛亞呼蹕羽林強豹尾從  
輿屬螭頭扈帶翔

齋宮陪雍時

暑殿宿雲陽巡塞稍幡蠹蒐原函簿張九班儀肅穆十  
校士躋踰宦合金吾貴符看銀燦煌風生緹騎疾星耀  
紫宮芒張祐傳軒蓋渾瑊寵錦繡庫嚴蘭綺禁署扇蕙  
林香越越元僚首巍巍冢宰望四曹隋制判二院宋官  
仿品藻追毛玠丰裁邁謝莊燕衡堪審別鶴省與徜徉

好深湛思室詩存

卷十二

四

聽履流銓院秉鈞議政堂塵談止風月鏡照似冰霜遂  
乃開宏閣旋教握呂璜協揆韓並范中令杜兼房司馬  
消邊隙文公令敵恇用膺專閫寄載咏出車彭蠡爾逾  
荒服狡焉思啟疆天傾窮北陸地絕互西羌僻處伴鼉  
龜貪恠甚犬羊鯤程九萬里貉族十重荒鳩久媒中國  
葵同貢遠方煙霞眞痼疾物土詎心臧一炬楚人火千  
金胡賈裝伊誰失懷服遽爾肆披猖倏忽梟占燾遷延  
鼠跳梁爬沙介附鼈當隧斧撐螳六月攻車亟長年擊  
鼓鐘越紛起組練吳已獲餘艍

餘姚之捷

類逐呼羣狄引志

入室狼將因凋大樹胡竟搏長楊魚爛頻書潰馬尸孰  
裹創繇來輕反側終復失閑防

授鉞師行禡

臨軒命自祊聞威加旅衆

廟算斷乾綱雷動營爲陣星屯劍作鉞霍侯襲驃騎王

濬屬龍驤韓說樓船控景宗笳鼓鏘有征簷昴畢敢距

越岡良疇謂九區隔偏能一葦杭挈餅洵智巧剏物故

精良飛礮饑鳴叫張蓬翼鳥頰石幢訇霹靂火庫撥機

槍巨舶仿楊僕神機比佛郎轉輪流水沸

謂火輪船中  
用泰西水法

好深湛思室詩存

卷十二

五

窺管渾儀詳詎效雌霓伏甘爲瘕狗狂赫然爰撻伐厲  
迺信方剛

命將授螯胄巡軍峙糗糧潛師五夜出用間九天藏跋

浪鯨枯槁燎原獸跳踉伏先乘豹霧駕或用鼉梁海沸

瑩臺熾霆轟天竈煬墨城連炬發赤壁縱風颺三捷橐

弧矢重歌缺斧斨驅前負羈弩後逐迓壺漿犬豈吠非

主虎偏附有俛險何倚鹿走池又及魚殃兵弭姑從宋

網開且祝湯近尋盟策約緩作債臺償殷已鬼方伐周

仍犬狄攘獻琛知在宥徵檻戒胥戕宴愷旅弓受袞旋

赤鳥光

鳳章被稠疊翠羽拂飄揚矧涉詩文囿兼通翰墨場鈴  
鍵包藝數繪繳遍書倉集古窮琳璫臚珍富錦箱模山  
并範水嚼羽亦含商道體茅偕許冲襟義與皇阮無口  
臧否憲有度汪洋凡此仁衷宅端宜福履將畫圖付臺  
閣銘繪在旂常第祿陵如阜禔躬圭式璋

楓宸思馘馘募寢瑞穰穰歲紀元英序杓躔析木鄉攬  
揆衍著吉令日鑿冰當是歲十月二日為  
揆帥五十年辰益算籌銜鶴

徵歌管奏鳳綺筵綻梅禰繡幌襲芙蓉裳寶從珂鳴里宗

好深湛思室詩存

卷十二

六

盟笏滿牀懸鐘應樂魏

賜醪合甄唐幸接三能峻難將千頃量共叨王幕入獲

御李門傍數亥慙書算生申敢贊敷德功稱不朽願佐

盛時康

過宗陽宮有感 宮為宋紹陵邸第

仙原蔥鬱氣佳哉榮邸當年付劫灰地近棲雲留別觀

佑聖觀為阜陵舊邸 游從玩月此登臺元張光弼楊仲  
宏有宗陽宮老

君臺玩 一朝宮苑潛龍起十載湖山飛雁來度宗將冊  
為太子理

宗夢有告者曰此十年太玉籟樓空笙鶴杳止今羽士  
平天子也後享國如夢云

道場開

宮有玉籟  
葉簡等樓

湖上夜泛

鯉魚風起夕一艇  
暮煙迷鈴度黃妃塔  
帘飄白傅隄  
樵歌傳  
鴈響  
燈影隔湖低  
便欲招猿鶴  
掃雲石屋栖

過董琴涵都轉丈用袁浦贈詩韻

故里反爲客十年  
僅一過園林去家  
近杖履得春多  
我已荒松菊君先  
衣薜蘿何時麴車  
載幃下重高歌

舟次梁溪同鄭介伯假太守鼎臣陳澁宰泰華作  
倚棹吳江晚垂虹  
秋正酣品泉名第  
二行酒爵過三聲

好深湛思室詩存

卷十二

七

氣王陽結

謂王少尉先至無錫謁奕揆  
帥知鈞輩俱廁名剡章矣

動名鄭吉慙鳴

夷此蚤退好挂五湖帆

元龍湖海氣已滅  
舊時豪茂苑才聯  
榻蓉湖又泛  
初聞花孰攀折  
大樹正蕭騷  
應媿朱翁子  
還鄉衣錦袍

樣舟六和塔下作

古刹丹楓路前村  
烏柏鄉僧還峯點  
屐漁起月鳴榔  
棲鶻驚鈴閣飲猿  
墮井牀欲攜筇杖  
叩暝色迫斜陽  
霧羃城疑遠潮回  
野欲吞寒燈顛風  
色絕壁削雲根塔  
院藏林寺人家隔  
水村不聞絃索動  
一月侑金樽

珠英梵村懷蓮池師壁觀峯

一片閒雲駐五雲

雲栖山名

壁前賸有綠苔捫引來竹筧山

西鳴人與清泉入梵村

山富春

合向江天酌一卮富春郭外卸帆遲無窮山色皺荷葉

富春諸山似畫家荷葉皺法

不盡水程唱竹枝

船名江山所歌皆桐嚴風景

越國

酒同波灩灩吳孃曲又兩絲絲

連日多雨

水窗四面紅闌敞

誰鬪遠峯眉黛姿

木落桐君山舟眺

好深湛思室詩存

卷十二

八

木落淨山容棧舟傍巖瀨廢塔斜陽懸遠帆隔谿會結

廬仙之人詩藥歌采采瑤草呼龍耕石田落蒼黛紫壇

靈風遙丹鼎荒基在欲招昔桐君鳳嘯散天外

夕泊七里瀧中明發登釣臺長歌紀之

巖江十里滯行艫丹楓翠壁晚模糊風餐雪虐寒序徂

山嵐凝夕流泉枯羣峯蜿蜒蜿當征途楚江中斷疑路無

忽如石闕開金鋪倒垂十丈青蓮趺聲傳欵乃明鏡湖

層螺疊碧瑩雙噓龍起雙蟄勢絕殊鸞翔鳳翥難描摹

紅芙蓉雜青珊瑚大小宮間方員壺一灘一峯紛奔趨

百轉百折儼畫圖高臺雙峙中天隅千秋高名獨釣徒  
梅尉仙子偕妻孥大澤羊裘此老夫客星隱隱淪菰蘆  
謝子臯羽痛亡逋感知淚灑燕南都西臺碎竹歌烏烏  
曠代高節清風俱我行奉檄慚飛鳧寒瀨弔古日西晡  
捫蘿歷級筇枝扶徑陟屣履霜蘇荒祠闐寂階苔蕪  
靈幃乍展驚棲颺肅拜臻象仙而癯惜未洗竿陳清酤  
潺潺水聲上灘初舟子爲卸十幅蒲呼童亟典鶴裘沽  
子陵魚美新筍粗買醉不羨人當鑪高拍銅斗聲啣唔  
飛觴邀月客不孤四山遠酌笑口呼山靈有知應胡盧

好深湛思室詩存

卷十二

九

汝步舟次用竹垞韻

澹抹鱗雲魚尾天碧梧清筱野籬偏一江月滿四弦靜  
誰弄清歌出畫船

昭陽單闕

初之蘭谿任

奉檄越江西迎舟候吏齊郭因臨水近屋爲看山低鎮  
引三河戍鄉仍八石溪卸裝止琴鶴雅稱碧雲棲  
官閣分明似天池靈洞傍金雞遠峯曉玉螻隔江長石  
壁當窗俯流泉入檻涼漫嫌此矮屋東野足徜徉

催租隨吏籍行部卽禪關青瑣居名里金臺寺有山水  
收道土堰渡轉女兒灘欲訪農田利遲遲露冕還

浮屠近桃鳴古刹隱蘭臯儘許拏舟訪無嫌拄笏勞月  
增雙港潔雲擁九峯高欲喚羊裘卧寒江傾濁醪

寓感

千秋致丞相君衷格頃旦敬通擯東都妻孥恣悻怨隆  
汚甯有常通塞與時判投筆仲升奮請纓終軍願事會  
壹相乘頗如已操券禍福循無端溫肅序易換塞馬取  
喻間得失理堪玩

好深湛思室詩存

卷十二

十

斗柄不可挹威弧詎能張實地君子蹈虛聲處士傷筭  
器豈勝石曲木難爲梁知人誠不易自審豈弗詳趾高  
必重躓志盈有餘殃謀大而任重知力貴揣量不見趙  
氏括自信終淪亡

謙牧乃占吉滿盈實垂誠可汗單于驕妄竊夜郎大一  
念兆乖和萬幾判興壞撫衆必輯睦居崇敢侈汰徒見  
淮陰驚竟乏藺生退蠻觸未足當魚爛已稱潰藏爲豎  
須逃友多酈商賣肘腋有猜嫌羣離安足怪

蛾眉入宮嫉不在貌妍媸士夫一朝忌不在形合離范

睢中蔡澤田蚡擠魏其固繇實逼處豈唯勢分齊入室  
手操戈同根釜然其其事易猜貳並名成詆媿龐涓陷  
同門平津疏故知下迺文字禍紛紛梁燕泥

指困魯及周結綬魚與瑗解推亦偶然意氣詎相銜今  
人不古若山河起覲面未見長相思習見易相譴昔爲  
漆與膠今爲霜與霰孤寒五銖薄貴游千金賤如何軒  
輅形稱平若鵲燕

羣鳥俄高下衆卉倏菀枯升沈不旋踵伊誰幹其樞得  
時風搏鵬失勢并涸鮒衛客從蹀騎竇友餘灌夫昨且

好深湛思室詩存

卷十二

十一

樊蠅滿今夕羅雀無甚者幕竇去乃作臣妾逋寄語世  
冠蓋慎勿輕屠沽

鄂岳生刺史雲從軍海上失於關白固山復以軍

事見劾就逮北行吳兼山司馬丈張太守應雲  
人不古各有贈詩子亦次韻二章以當祖送

敢效逋臣叩

闕門更無高駟返支園邊求翰粟忠何補

刺史從軍有捐輸用卜式

軍載明珠語不根誰將樓船繼楊僕已徵車檻到公

孫歸裝一握龍泉劍曾斬樓蘭認血痕

贈別新詩陰與何驪歌慷慨當饒歌兵交自古主和亟  
師老由來召謗多弭釁魏公籌有筆罪言杜牧手無柯  
漫思歸去藍田隱  
廷議終看起伏波

畫屏住女十二幀劉玉坡中丞屬題擬樂府體

弄玉

雙飛紫玉清鸞馭度秦嬴神仙因眷重塵世別離輕吳  
女虎同跨韓童鶴共迎鳳臺人去杳誰奏鳳簫聲

西施

好深湛思室詩存

卷十一

三

邪溪出浣紗似鏡照桃花自入芙蓉殿香流片片霞語  
傳亭畔子寵競館中娃鳴夷五湖水可洗舊鉛華

洛神

豔出洛川濱紅葉照水春桂旗低拂影羅襪暗生塵託  
興採珠日通詞拾翠人定有驚鴻態陳王賦未真

明君

宛轉別官家  
匳中淚眼花馬蹄斷青塚  
鴟語撒黃沙  
絕塞驚征雁  
故宮認暮鴉  
只有長門月  
遠照玉關斜

文姬

邊笳哀向夕穹帳遠多寒破鏡堪回顧新絃忍遽彈牽  
裾小當戶拭袖老呼韓徒因傳史重繪帛贖年殘

都護調防邊荷戈逾十年甘賞邁親去不望戍兒旋駢  
裝分小隊雕箭落長天火伴誰知得英雄兒女憐

湖水碧於油盈盈繞石頭美人呼艇子潮起盪輕漚堂  
向盧家近溪分蔣妹流樂府名珍重無愁果有愁

謝道韞

好深湛思室詩存

卷十二

十三

誰似謝家媛左芬復令暉生蘭並階砌賦柳應庭闈玉  
茗同體物紗幔工解圍羯末封胡擬如何天壤乖

紅拂

繡幕鎖金釵紫衣郎夜來拚棄老奴易僑裝使者回蚪  
聿能結客蛾眉解愛才靈石邸門外可憐躡薛苔

紅線

劍氣墮營頭片時入魏州空有戟門衛誰將金盒收長  
虹落佳俠名馬獻諸侯詎知薛節度闔中功最優

麻姑

蒼山蔡經宅仙壇王遠治姑降證仙籍髣飛瓊姿鳳  
笙迂羽葆麟脯侑金卮誰識桑田改蓬瀛清淺時

羅浮仙子

羅山四百峯香雪夜冥濛  
蝶花留羣縷鶴歸刷帔重倩  
魂度梅窟仙韻占蓬宮月曉參橫候應有佩環逢

傅菘泉大令得新姬詩以調之  
姬名小玉吳人

年十餘爲岳生刺史婢給畫事頗敏而貌絕麗  
有西施之目刺史將北以屬鄭个伯爲謀所歸

遂致諸菘泉云

好深湛思室詩存

卷十二

十四

絮果蘭因匪偶然星期迢遞月團圓

姬卻扇期尚有待

未迎江

上王郎楫初泛湖邊范蠡船問主何須看似竹

菘泉未識岳生

感郎有意采同蓮一牀斑管司香侶密締偏成香火緣

此本事姬從岳生自秣陵來已多年故有三四句

迎取鈿車百和熏名傳樂府紫釵聞果然嫩似蘇州水

畧擬飛來楚峽雲

个伯楚人

捧硯顧厨從宛轉知詩鄭婢乍

殷勤

姬從个伯服役未久

昔人句爲今人證網得真堪別贈人

劉玉坡中丞奉

命節制浙閩陸太守模徐司馬榮以詩呈送制府亦有

和章道出蘭江均以見示卽次原韻呈送使旌  
制函專越嶠重戴福星看霜入征繫肅江行佩劍寒本  
原在忠愛宏濟正艱難

一德交孚日甯榮貢禹冠

句章命將日有筆善籌邊新澤之江水前程蜀國川先

憂范仲志服遠魏公年誰識謀尊俎潛銷斥堠煙

聞道雲棲隴還來載鶴游湖山動高唱襟抱耿清秋應

有前旌導無勞卧轍畱新詩已公屋椽筆孰能酬

諫紙書難盡焚香燭炮檠任宜唐節度貢自魯諸生國

好深湛思寧詩存

卷十二

五

本兼民計勇功與智名未須遺絲竹深蘊謝安情

夙忝剡章附平生感遇深茂先從屬志吳隱願盟心不

自遺蓬植重邀進藝林

制府方以雲棲  
話別圖見委

爰知邇愛日未

覺序霜侵

附原作

徐榮

共有澄清志風雲擊楫看狂波三載息台宿一星寒

送別民情見論心世事難臨歧知己淚碌碌負儒冠

使節寒潮外吟筇夕照邊松篁拂昏曉鐘鼓自山川

舊夢尋雙澗緇塵感八年洗心還未暇歸路又炊煙



好深湛思室詩存卷十三

吳孫義鈞和伯氏著

闕逢執徐

紡磚課讀圖爲羅蘿村學使作

寒閨軋軋鳴軒車中夜霜唳驚棲烏子就哺兮母將雛  
吁嗟乎爇焚塊獨篝燈夕衣兒衣兮機上織  
紡磚聲雜書聲孤冬缸凝碧寒夜徂賢哉仇湛母氏劬  
吁嗟乎伴青燈兮時序改兒名顯兮親安在

有鳥有鳥尾畢逋反哺誰能效慈烏祿不逮養藐諸孤

好深湛思室詩存

卷十三

一

春秋哀慕兒淚枯吁嗟乎燈可燼兮圖可裂至性如天  
不磨滅

周漁石鬪蟋蟀圖

圖畫三小兒在文席上有益

有籠有鬪柵橫列一旗幟若奪標勝者然一兒

窺所攜籠似審蟲足用否一兒俯首手草莖撩

蟲使怒而鬪又一兒橫坐若觀陣然上方布甘

蕉四五本掩映苔石筆劇工妙鹿春如觀察得

諸明州索題記之如此

苔石莎牆攫取時候蟲漫與記幽詩呼燈籬落閒兒女

賺取堯章絕妙詞

嚙齒張鬚爭觸蠻居然樹幟效登壇未須前席嗤兒戲

同是棘門灞上看

一塢秋聲廢館聽涼蛩語夕蘚苔青半閒堂裏經親注

惜未閒繙武子經

不放歌行酬陳守和齏宰昶

干時之書什一上與世角文四九年南宮無分坐論策

西邸有例來輸錢敢借馬卿爲解嘲詎有狗監還薦賢

仲升投翰筆君苗焚硯田竊伏聽馳似曼衍魚龍便索

好深湛思寧詩存

卷十三

二

米無過侏儒飽登場便

去聲

從傀儡前年年溷迹爵里刺

頗似混沌不鑿全其天紛紛冠蓋炫金紫中有元龍湖

海士相逢車笠結襟期世空白眼無餘子不名乃有才

不第轉能文高卓一寸管橫掃千人軍光采燭星蛻芳

餓吐蘭蓀叩虛犀照渚斲險魚跳門冥按元精師造化

高躡月窟攀天根竭來遣我歌慷慨其氣清腴其言悖

興會江山助翰墨風雨快欲斫詞壘堅勝我才什倍敢

靳驥足奔思逐鷁飛退一朝盧馬證異同曠代島嶼競

險怪共出金石相轟鏗追顧俗龔詫狡獪夙世詞客前

畫師繆篆鏤劃能爾爲重以誣諉弗嬾謝媿非瓊玖一

一相報之

君方索畫及篆印

從君游慎勿辭我儕無過文字知

有手踈蹠誦君詩有口流涎引君卮左拊清瑟右吹篪  
狂叫距躍碎擊珊瑚枝金門給劄會亦偶斗印封侯詎  
能久世事須臾雲幻狗不如從君高歌痛飲酒

原

作

半生共盡資數畝園墓土對陳陳

祀

士上不收學乃純一官入資家則貧男兒墮地事事  
屯仙心俠骨淹風塵天才天阨非繇人我請爲君一  
一歌以陳撐腸挂腹萬古事嶽奇磊落八尺身萬千

好深湛思室詩存

卷十三

三

氣象駐靈府往往筆底噴細縷自瑩心靈造奇句獨

盜元氣揮雄文天龍震空駭孽瞽蛇珠出握驚鬼神

螭蟠蛟屈宇陵紙令我詩夢香千春

爲鐫詩印

六時枕蓆

富圖史半生供養資煙雲顛倒羣生挾衆類造物未

必無微瞋何況少年不廉盛名早折除縱有非無因

君翻大笑氣益振幸吾此舌鞭猶存憶我初相逢執

手肝腸熱神交恨見遲情誼愈真切落花滿地鳥嚶

嚶心事與君論白日破椽俗子同晨昏此意知君殊

不屑如山案牘憎煩襟日斜出局頻招尋脚鞵手板

顏色悴我亦灰盡平生心神鬱枳棘猿拘鎖十載杭  
州君與我從戎書劍各飄零並世文章成轆轤飲君  
酒贈君詩談深燭跋歸遲遲乞書乞畫更勿辭豈僅  
吾友兼吾師雙峯植此筆兩枝西湖化醪傾千卮我  
曹揚眉行有時曳裙疾足空羣兒

公同氏姓

一第未登熙甯科一官不除含山令更無片砧遺老獲  
豈有二論傾執政作客誰復識才多爲吏差知律己正  
偶飛鳧鳥似遷官交上鶚章輒愴命

從軍三年伊莘農  
節相奕潤峯揆帥

好深湛思室詩存

卷十三

四

皆將保薦名已列章輒中止惟裕靖節一保儘先耳王融異代名不嫌子美隔世  
稱堪並何如當日荆公賓冲也與吾同氏姓

宋孫冲字子和登熙甯六年進士第少負才名爲荆  
公客嘗著鄉黨傳說二論荆公甚奇之後宰和之含  
山號循吏律己甚正秩滿率家人歸有蓄一砧者以  
非來時物命還之鶚章交上改宣德郎事具見龔明  
之中吳紀聞

又律體一首

一官不受含山令一第未與熙甯科爲吏也能律己正

作客頗復知才多二論時宰足傾動片砧老獲從按羅  
獨笑荆公千載遠賓座已來孫子和

失地

非關烹狗與藏弓失地亡師恨未窮空爲聽聲思將帥  
誰能伏劍效孤忠直書梁潰史臣貶慣唱董逃樂府工  
痛比藁街月氏首繡衣猶在市朝東

醢彭夷信總難論等是捐糜莫報恩禍福難知馬亡塞  
死生堪問犬牽門漫將橫槊英姿想孰念平臺畫象存  
一郡鄧晨正零落錦江祠遠與招魂

謂鄧雲階太守橫  
槊用余忠宣事

好深湛思室詩存

卷十三

五

王海樓大令劫好消息圖

羅山蛺影香霏夕春來欲問梅消息姑射冰姿弄玉仙  
徵歌花下多陳迹神仙眷屬尉南昌小謫幾經香案傍  
遷宦虞君滯南越知音桓子感西羌種花妙手空閒卻  
十載寒梅守孤鶴贏得笙詩簫譜傳雙雙紅袖圍東閣  
漫探月窟與天根累黍管回大地春靜裏鶯消參燕息  
幾多絮果證蘭因迢迢庾嶺成香海人歸落雁詠詩在  
時大令將  
旋章江 翠羽縞衣綽約逢涼蟾碧玉殷勤待北枝信  
到又南枝鶴俸重量花縣時鳳韶張樂宣

恩詔寄向隴頭驛使知

重過靈隱寺冷泉亭小憩

不知蘭若近煙外靜聞鐘  
茗盃清泉淪蘿衣古碣封呼  
猿仍洞石飛鷺祇雲峯暫爾耽  
虛寂空亭獨倚筇

玉毫與滿月寶相徧蓮臺

飛來峯石洞  
佛像幾徧

龍藏三天護蟻

封一竇開眠雲披薜荔題石劃  
莓苔欲證靈峯果端應  
訪辨才

蘇隄漫占

段家橋畔水如天蘸影亭臺一  
鏡妍碧柳紅欄隨轉棹

好深湛思室詩存

卷十三

六

總宜園外總宜船

玉津廢苑野花開油碧車迎駿  
馬來止少清詞繼才仲

黃金縷曲侑金杯

風流裙屐占明湖才子佳人只  
姓蘇寂寂西泠舊時月

宵來夢有佩環無

鸞帆 春如觀察招陸茂才瓊飲看有鸞帆茂才

賦詩十四韻以酬觀察鈞追和之得二十韻

鮎亭饒物產蜃市幻形相鱗介  
經宜類蟲魚疏未詳鸞  
帆典可數蛋戶獲來將託體殊  
瓌怪圖形笑倔強枵然

聲郭索蠢爾載軻廉穹起鼉張蓋橫行蟹有筐蝸前憑  
鐵鑷鱗起卓銀槍位置眼高頂矜奇角與芒乞憐尾欲  
掉未死足先僵漫詡藏之固空思飽則颺暫教遭浪舶  
難更逐風檣矚目收篷晚噬臍觸網張去丁付漁叟卸  
甲喚厨娘任效蛸拳縮終輸蠖屈藏元龜真遇葛碧血  
竟爲萇佐簌蒲兼筍祛寒桂並薑醬宜廣治蟻膝亦類  
封羊海月珍惟錯江瑤地故良梁樓應訓詰木賦贍文  
章挂席揚帆句詩人合貯囊

原作

陸璣

次山

好深湛思室詩存

卷十三

七

賦海才誰擅搜奇徧水鄉歌魚多著述詠蟹少篇章  
眼直高於頂心還苦透腸負雄爭弄媚多子粲成行  
聚散都求偶浮沈妙自藏莫嫌形覆釜轉覺實承筐  
爪每團沙石瓢能浥酒漿老漁雙網捷健婦一帆張  
海濱呼蟹曰健婦以其雌負雄也曳尾偏矜骨羅胸別有銚乘鼉薄  
雲霧似蟹擁機槍偶失風波利因教宰割忙酸鹽宜  
作醬烹醢助傾觴剖血光含碧通中理貯黃詩情隨  
起草寒氣好調薑食感羣生累貪思異味嘗老贊名  
久著况復酒人狂

月湖旅夕

月湖浸寒月孤坐伴牢愁官燭宵知永朋箋句嬾酬長

松助空籟稚竹媚涼秋喜共鴻漸似談深淪茗甌謂次山時

同旅居

林颯撼四壁虛幕景蕭然凍瀨魚知淦霜柯雀並拳玉

蟲挑燄燼金鴨篆香圓墜戶畱春意綺梅一點傳

蕪梅蒙大荒落

新正公解漫占時以善後奉役明州獨居有感

香燼金猊撥冷灰寒分葭管律初回朋箋待和宜新句

好深湛思室詩存

卷十三

八

家釀遠將只舊醅時蘭溪使攜家釀至客舍光陰催爆竹故鄉消

息問園梅疏樯兀坐燈宵近偏是維摩示疾來時有疾

燕語鶯啼報歲華翛然獨客倍思家嵇康習嬾知交少

趙壹甘貧僻性加隔歲游蹤分阮竹旅窗春意遲唐花

短檠寂寂清眠慣賸有邊君此腹誇

短歌行

今日戕口昨朝援手人務巧進我甯拙守不敢為先迺

肯居後若雞鶩爭聽牛馬走

讀史雜感

百年王會集航梯懷遠無端伴狄鞮鑄錯真成九州鐵  
封關祇爲一九泥三重復壁圍緹騎十萬樓船耀水犀  
知不居奇胡賈衆囂佗先已動征輦

賈胡專利日趨之謀國應非桑孔知白面書生杖任日  
蒼頭老子壁觀時楚人炬烈誠焦土陸子金多奈漏卮  
惆悵越王臺外望戈船橫海孰全師

礮車走彈電星奔遽見鯤夷薄海門睢國張巡空嚙齒  
滁關姚鳳與招魂鸞帆氛現扶柔蟲蛇鏡凶占細柳屯  
飛曠全軍多渴葬怒潮穿脇至今昏

好深湛思室詩存

卷十三

九

命將句章徇越江軍容楊僕燻旌杠羊公緩帶能持重  
曹武焚香在釋經輕蔑前人類班任擠排同室等孫麗  
荆南黃祖翻乎覆吹主甘爲守戶厖

鮫淵形勝正防秋節度高牙擁成樓漢貳師先屯扼塞

唐三鎮早運神籌

唐以魏博成德  
盧龍爲三鎮

豐銷互市通蕃馬恩

寓撫彝犒服牛痛惜元振排郭令狼煙直欲照神州

輕敵雄心發慨慷不聞韜畧擅文章蒙皮賁鼓先揚武

畫腹佳瑚欲挽強殷浩彈牋輕廢置郗超入幕太侏張

督師福壽非全算漫共偏城存與亡

元江南行臺御史  
大夫福壽曰吾爲

重臣城存則  
存城破則死

蘇草木其繁風鶴聲士誠言先大情

赫然行禡躍天戈制爲吐蕃防北河楚側營中惟使酒  
桓温帳下獨徵歌嫖姚親貴甯深入回紇貪恠函議和  
虛荷聖明專闔寄可憐兒戲棘門多楚黃天幕前只氣  
不少參軍竟陵邸銘燕惜少武功魏將家子但娛絃管  
記室人誰策幕幃段處常偏期不至鄭昭業竟死如歸  
舳艫千里恩循衆幾見軍諮羽扇揮補登岸皆即置改  
敢拋水柵舍飛鱸百里往還勝可圖空礮懸檣方棄遠  
包原背陞合摧枯青塘韋粲沈淵易赤壁周瑜縱火無  
好深湛思室詩存

卷十三

十

堪恨行師空得間一朝玩寇失驕胡

長驅風鶴聲人賊

笳鳴滬瀆舊江臯將相聯翩秉節旄蹈海勇忠裏鴟革  
漫天氣沴落鳧毛軍如載筆書梁潰帥豈敦詩唱董逃  
獨惜王琳少故吏麒麟塚爲葬冠袍

紫琅峯外走艤艫又陷南徐戰血紅江左庸謀少岑監

泰西奇器善輸攻

奇器圖說  
泰西書也

更誰提鼓黃天蕩直見飛

車紫極宮鐵甕城墟荒壘在時收遺鏃荻州中

荻州見  
宋武帝

紀

滿江船趁勢縱橫草木兵還風鶴聲博士危言決大計

唐柳伉諫誅程元振疏中語 期門上策託微行去家有客皆迎擔 陵  
有迎擔湖乃東晉衣冠避難南渡處 繫虜無人一請纓相對新亭空灑淚  
何殊城下急尋盟

亦如五道出軍催輕弛海防孰主裁酣睡人姑容臥榻

責逋主又築謬臺魚蛇陣散軍牙撤鸚鵡天遙估舶來

多事鄭和窮絕域 明永樂命內監鄭和等統舟師徧歷西蕃諸國藉訪建文說者謂海西通

市始 兆他通市海西回 此指張瑄寶船

忽忽天水小朝廷倖計偷安又紹興啟寇伊誰兆 羶幕

輸邊從此竭金繒將軍湖畔騎驢去酋帥峯頭策馬登

好深湛思室詩存 卷十三 十一

丞相狼胡輕主議不如伴食事 模梭

潞國韓公並世賢如何信筆共籌邊求將無厭虞公壁

假定何期許子田豈是張儀能誑楚誰從弓企遽捐燕

歲輸自古無長策欲海難教精衛填

水乳箋章妙刺探漫嘲表坐工談焚舟捷毀虞參政

繕備才疏殷仲堪自握陰符來濟北獨憑說難徑終南

賈師不似工趨避浪把乾坤一擔擔

五雜組

五雜組茵繡車往復還伴中書不獲已登要樞

五雜組繡光往復還烏府翔不獲已抄彈章

五雜組旌纛文往復還封圻臣不獲已通要津賀王

大漠塞下曲漢塞空窺日千里快觀飄雲中

日落闕支帳霜摧都護城萬里荷戈子屯邊從遠征田

肥沒黠虜辛苦爲誰營自古曠蕪事朴言息鐵車

柔柔光敦牂夏澤音雷駭懸良思貞誓登燕谷前食空

寓感卻寄虎頭軍司何短策入潯鄭當敵殺

淳泓獨止水卷舒只閒雲機滿人間世漢陰誰與親金

介起燕談瞿預在肺腑所以軼塵者盟心向鷗鷺

好深湛思室詩存

卷十三

十三

舒臨海

太息舒臨海平生盛譽邀忽膺危亂地竟負聖明朝一

介知千古片言重久要如何敢窾入獨讓霍嫫姚

臬臣陷海國戛影倚霜鐔應以忠貞誓豈無名節貪空

捐屈原佩誰薄衛侯醜自古艱難事休言息媯堪

阿那瓌

吹簫動高闕寒夢穹廬月千里射雕歸雲中羽箭沒

大漠散牛羊霜塗胡草黃獵回蹴萬騎烽照左賢王

奉酬陸次山別駕璣見懷之作

論交我愛陸農師爾雅文章信有之豪過孟公惟縱酒  
狂如白也合能詩不逢時會宜恬退難得才華好護持

占取草堂鐵厓嶺君別業即楊廉夫舊隱居處一房山與十弓池

天許詞人眼界寬韶年蜀國走金鞍華陽志富追常璩

劍外編成比務觀君隨宦西川刊有蜀游集年才冠耳門第清芬貽硯在

弟兄好句對牀看巫雲棧雨滄江月煙墨驅來盡筆端

君喜作畫

西邸參軍北府賢卓然寸管共籌邊時與從軍越州運謀趙壁

三千幟買醉秦樓五十絃拜石難逢穀城履鑄金先載

好深湛思室詩存 卷十三 三

范蠡船飄零書劍題橋去袖得新詩吳郡傳頻歲游吳得詩甚夥

賭曲旗亭細雨秋一般鄉夢易句畱月湖泛棹添漁唱

雪竇支筇證客游比以善後復同役甬江幕府才名仍綠水美人

消息近紅樓江邊梅柳堪攀折記取明州更越州

日隕篇

唐盧玉川作月蝕篇波譎雲詭前無古人昌黎

見而歎服名重當世輒擬其體作日隕篇虎賁

中郎媿未能得其一二也

道光紀元歲丙午夏五書閨王在門朱明司律咎恆熯

欲箋雲漢陳天閣博桑朏明罔不照江左一隅獨淪曜  
天市六星越國分隕日誰歟以譴告事有大旱蘊隆蟲  
蟲暴疋野外瘞魃溷中闔南縱陰請雨法甲乙雩童蟠  
土龍躬嬰牲牲服縞素靡神不舉郊徂宮但見颯輪焚  
薄火繖瞳矐山赭物槁礫爛砂融鬱蒸渙浞赫熠噎霧  
輝輝焯焯暎暎彤彤修蛇四翼見燧國雌虹五彩騫晴  
空於傳有之愆陽若青饑黑憂占躋曹興役動衆咨怨  
作厥罰陽亢災洊重或迺苞苴盛歟女謁崇又或蕤鬻  
杵朽君澤壅歲祲物厲不虛應往往時政潛感通郡伯  
好深湛思室詩存

卷十三

六

令長等懔懔徒事靈壇昕眈勞起拜汗雨背曝天當中  
天當中直離氣暑度忽傳下隕地焦京劉董瞠乎迷翼  
奉郎顛胥駭異臣聞晉愍之二載馮相詹此災陳情太  
清初墜斗納諸懷唐帝丹烏墮羽翻漢景蒼虬蟠殿臺  
遼后夢落挽軒轂茶粥救沒喧霆雷五行志診詎多覲  
青囊術數難算推諱諱乎異哉轟若天投蜺若如星隕  
石赭兮燭龍潛黜乎石墓蝕倏爾匿采若木華晒然沖  
魄桑榆夕晻晻昧谷似債車黯黯虞淵若抵壁咸池倒  
影十洲霾天台落霞千里赤旱暎旣太甚矧復傾曦侵

靈威在咫尺，鑠石紛流金。鬪賓身熱坂，毒麻瘴煙岑。燎  
原更坼野，沸海還焦林。陰陽爐炭煽，草木毛髮燁病畦。  
盡探湯，蔭暘無覆陰。焱庖灼宇決，突黔哀茲兆。衆死如  
焚燬矣，頰魚投。耐鬻諱諱乎，異哉羲和豈倦勤。夸父竟  
苦渴，祝融肆不仁。熒惑擅行罰，魯陽揮戈退。舍回窮羿  
控弦直，射殺少昊長。畱不反影鬱儀薄，暝忘轉牽可憐。  
下土蟣蝨臣，餽餽青滑蕩蕩。不可捫手無虞公之劍，翼  
氏之矢。拯此靈鳥，駿安得命官日。御麾兵陳伐鼓，舞幘  
召僮。佞挽起，積盤碾上碧玉津。近招嫠女，縈楚雲君不

好深湛思室詩存

卷十三

五

見朱鳥靡次金雞超，躔六螭還轡。八駿迴鞭銅鈺挂不  
落，赤繩繫牢堅。晁晞睇驪珠吐煜，燐鶉首旋炎邱。散歆氛  
伏金沃焦，泉叱蜚廉攘。嫖怒鞞箕師扶玉女，驅列缺移  
鞭。叫阿香，搥鼓策豐隆。作雲孽萍翳行雨，戒闕伯斂威  
詔。募收清暑蟣蝨臣，誠恐惶敢以禱告我上蒼。願后喜  
怒時有常兆，和弭青歌滄涼地。祇物勉禴凶荒，背瓊抱  
珥。徵嘉祥，握鏡再麗天。中央火井貞，曜敷重光休哉。化  
國之日舒以長。

靈威在咫尺鑠石紛流金鬪賓身熱坂毒麻瘴煙岑燎  
原更坼野沸海還焦林陰陽爐炭煽草木毛髮燁病畦  
盡探湯蔭暘無覆陰焱庖灼宇決突黔哀茲兆衆死如  
焚燬矣頰魚投耐鬻諱諱乎異哉羲和豈倦勤夸父竟  
苦渴祝融肆不仁熒惑擅行罰魯陽揮戈退舍回窮羿  
控弦直射殺少昊長畱不反影鬱儀薄暝忘轉牽可憐  
下土蟣蝨臣餽餽青滑蕩蕩不可捫手無虞公之劍翼  
氏之矢拯此靈鳥駿安得命官日御麾兵陳伐鼓舞幘  
召僮佞挽起積盤碾上碧玉津近招嫠女縈楚雲君不  
好深湛思室詩存卷十三五

好深湛思室詩存卷十四

吳孫義鈞和伯氏著

古強圍協洽

擬古

鳳德昔已衰桴海宣聖喟豈知千載後欲居九州外

大指

九州

伊來喜事徒智小輒任大自非通照犀遽作觸邪

驪孰為遺艱鉅殫精致敗壞難勝法所窮易徇利所在

風木屬馬牛毒甚攫蠶蠶豈惟一臨川患中宣靖代靖

宇已沸羹羣生盡俎膾世運誰斡旋坐慨九州隘後祀

好深湛思室詩存

卷十四

一

鑿前局智慮誠周詳禍患出所備疇能窮吳蒼嬴改姬

分建閭戍焚阿房卯金削侯國咸寺乃披猖當塗制貂

璫自遺禪壇場司馬控華夏釁起燕秦涼節鎮懲李失

羶幕構趙殃變幻絕朕兆伊誰握其綱鯤程九萬迴貔

族十重荒兵交恆壤近致遠奚能量

崦嵫蔽跋烏彗孛躔女牛寅隅逮柳谷大荒絡九州曠

古絕服貢一朝通使輜古訓攢異端况復窮遠陬跳踉

鯨鯢族貪恠犬豕曾豈有信孚格壹惟利取求與校誠

瘳狗非類猶沐猴如何弛羈縲遽此尋戈矛昔成寥隔

勢今爲切近憂陽九固天運事機豈人尤並史臣疏  
蘋末致飄號蟻孔成海盜鉅費原微過大創繇織失豈  
無憂世彥貴有濟時術障潰先濬原圖始當善卒至弱  
不可勝善因迺罔怫滔滔利藪趨儼儼刑網密桑孔難  
均輸嚴張失矜恤盜名雖盛隆舉趾終奔軼下土蟻蝨  
臣欲陳民苦疾爲戒秉國鈞慎彼專城節

新正旅舍漫占

五辛盤飮草堂開取次唐花逗玉梅感舊重拈長短調  
交新試勸淺深杯盟鷗漂泊餘吟社窮鳥栖飛賸賦才

好深湛思堂詩存

卷十四

二

琴薦笛牀閒徙倚羊求猶喜欵關來琴薦笛牀閒徙倚羊求猶喜欵關來  
吏隱蕭然錐也無命官磨蝎任模糊解紛尙有平原客  
愛主并無穎士奴行役年年春後燕浮家處處水中鳧  
已拚百事甘遲退負卻吳山倒玉壺

蔣笙陔學士金貂踏雪圖題詞

魚鑰千門啟蚪壺五夜催何如直廬迴蓮炬下蓬萊  
雪是燕山瑞春將鳳律還分明在天上玉宇本高寒  
瓊枝瑤闕似徐度玉欄橋鶴擎披寒重羊燈入苑遙  
絮起柳橋外稿焚蕉院前南狐東馬並待進史臣編時學

士兼起居注故事  
每值歲除進書

靜曳緋魚佩遲開白獸尊霰零官燭盡賦就惠連文

霜華明朵殿冰戲落銀牀翰院故事入直同樂園乘冰牀掌故畱清

祕繫鞵登玉堂不事珠璣一轉驚那在龍尾濡毫罷蛾眉散直歸依希九霄月高映謝莊衣

奕世傳貂珥家聲繼鳳雛霓裳春夢斷感絕舊黃墟

武林紀事二首

史原志災異俗乃競蠢愚翦紙占飛伏聞金集叫呼搏

人夜飛帽驅現晝殮符安得起京翼來詹稜厲無宋時應天

好深湛思室詩存 卷十四 三

府民間訛傳有妖若飛帽夜搏人民情大惶惑宋時

王曾敕里門夜開但言妖至者卽捕之頓息

聖豈語神怪愚難振瞶聾狐鳴篝火起牛腹帛書工陵

角遠延教桑徐近伏戎謂明鴻儒冲以習教惑衆沂公能不惑弭診

獨才雄

追憶明州噉荔支作命大書且高知

蠻船籠載出風濤不事紅塵一騎勞楓葉亭遙孤種側

楓亭荔支閩佳種也蓮花洋近一帆高冰盤龍擘流瓊液玉案齋

堆解絳袍挂綠輕紅知不遜明州客興此堪豪

戒石銘

洪容齋續筆云成都人景煥野人閒話首篇載  
頌合箴蜀王孟景文也按景文凡十二韻二十  
四句宋太宗采取爾俸爾祿民膏民脂下民易  
虐上天難欺四句書以賜郡國立廳事南謂之  
戒石銘至今縣署仍之景五季辱主耳猶有區  
區愛民之心是可稱矣

腹取脂膏虐下民可憐孟景作箴文千秋戒石垂廳壁  
仁愛誰如僭僞君

錦江城豔玉樓詞花蕊猶傳去國詩亭榭連絲宮殿滿  
好深湛思室詩存

卷十四

四

侈心誰是惜民時

豈是主孱令不行嚴張酷吏自縱橫箴規不及李匡遠

一部時聽鼓吹聲

蜀李匡遠性苛急一日不斷刑則慘然不樂嘗聞捶撻聲曰此一部肉鼓

也

虹橋

把跏題紈扇吟鳴弄玉簫廿年影事在涼月度虹橋

著雍涪灘

李司馬枝青曲江觀濤小景題詞

藉甚才華健筆扛文章政事譽無雙不殊領解錢思復

一賦名傳羅刹江

赤緊名韁露輞開湖山管領使君才

司馬方為仁和令

手揮八

月枚乘筆先愈民生疾苦來

司馬兼精岐俞之術故云

不圖笠屐詠紈扇妙寫詩人頰上毫漫向虹橋爭故實

榜門先署廣陵濤

圖上觀潮夏禹玉院中畫水馬和之欲探兩袖新詩卷

伍子山邊弭節時

寶山行

道光壬寅夏五月八日英夷侵吳淞寶山陷陳

好深湛思室詩存

卷十四

五

軍門忠愍公化成死之夷既入城越三日退是

役也牛制府先奔蘇州上海令亦宵遁官軍咸

潰忠愍以無援戰死鈞聞而傷之作寶山行

大編遠戛海南駛龍驤夜潰鼓聲死將軍孰使鉞交胸

義士幾令刀斷指

有義民陳林為團練董事獨守東城為軍門請援又糶米以濟飢民及兵

勇之無食者

申江百里駐防軍夜斫堅壘來荒渾可憐梟獍

占牙纛不信烏先集幕門後死誰陳都護先奔誰牛節

度兕犀弩已盡三千蛇鳥陣先亡四五拔旆誰憇晉旅

犇飛車終付楚人火落日裏創轉戰成後援頓絕凍蟻

聲痛哉名將自子敵祇繇庸帥不知兵前鄭吉後王保  
折脛洞胸仆海島同茲馬革徇洪濤並有貂冠薤宿草  
南連甌嶠北龍灣從教烽燧互江關采石無軍守余闕  
金峴誰捷制完顏當時豈乏虞令僕謀定功成指顧間  
春秋魚爛頻書潰萬里長城實自壞賀蘭劍早請上方  
穰苴法先行大憝

南庵訪碑圖題詞爲陸次山別駕機作

載酒南庵策蹇來詩成青劃古莓苔千秋石壁題精舍  
不讓尋山靈運才

好深湛思室詩存

卷十四

六

捫壁掃雲舊刻殘摩厓筆健勒銘看劍南歸去編游稿  
又見詩人陸務觀

集韻游觀之觀讀平聲  
朱竹垞檢討詩從之

寓懷

蓬梗高下飛萍水東西流寓形爲世役行止誰能謀茲  
夏羈臨安昔冬滯明州孤齋亘永夜遣寂成獨謳湖月  
鑑帷滿松風響庭幽披衿恣徙倚閒適同浮鷗惟永恬  
退旨自泯進取憂冠蓋彼紛紛馳逐何所求

書篋中得故友尹孝廉文潮釋經文有感

里居近北郭四傑才名同據考荀鄭氏一編委殘叢誰

識杜門尹玉宇著錄冊府元龜中

寄甬東育王寺希賢上人

聞師采藥日因過候潮山南國育王近西游宗竺還旆  
檀遺像久舍利放光怪海濼浮圖見捫松昔叩關

吏劉呈鹿春如觀察

夫子幹世才矜期峻且潔越嶠蜚循聲秦關表勳烈最  
爲子政知薦剡動剴切亦有顏魯國同升舉 朝列移

旌之甬東海氛際枕阻彌月集郊壘崇朝僨車轍宏濟  
誠艱難遭遇早破裂羣議肆詆譏一身託明哲轉歎二

好深湛思室詩存

卷十四

七

公賢重返逐臣玦章贖上者三披陳瀝丹血如何吏苛  
條繩墨到英傑豈無鐵錚錚履險不回折徇身仁斯成  
濟時謀或拙誰與秉國鈞葆此監司節

吏隱

吏隱無拘束身閒任卷舒子瞻從笠屐元亮志田廬久  
作黏竊烏肯爲吞餌魚侯芭猶載酒不乏道傍車

薄宦甘從拙處貧大是難幾曾餘鼠實誰許乞猪肝占  
籍圖書府尋盟詩酒壇莫輕言結客松柏獨知寒

題畫

秋水明於天秋山送遙碧夢醒蕉葉窗綠萍池上客

故里漫占

北郭人初返西郊春可游陸機空舊宅范蠡託扁舟故  
友投詩卷新歡話酒樓廿年去臣里漂轉慨浮鷗

過潘舍人曾沂里第別後柬寄

十載長相憶相看鬢已絲猶傳紅藥咏終補白華辭坡

谷西園集高徐北郭詩黃墟多感舊故從只延之

故友如朱

綬蔣志凝褚逢椿先後謝世過舍人時惟尤崧鎮在坐

逍遙甘吏隱臨頓樂郊居不廢潛夫論能回長者車祇

好深湛思室詩存

卷十四

八

陀廣法苑汎勝講農書過嶺倫成集遺君託鯉魚

董琴涵都轉文招飲漚園卻寄

邱壑宜中隱耆英屬使君園廬去家邇花柳隔鄰分文

體老徐庾交游託紀羣侯芭還載酒問字重揚雲

偶著潛夫論還修舊史書吳趨工樂府臨頓近郊居入

畫山窗拓延秋水閣虛仲舒帷咫尺絃誦遂吾初

畱賓花徑掃過客麴車停北郭詩人社南園長史亭朝

雲多感悼

時丈有小悼

舊雨易飄零賴有逍遙子論交竹柏

青謂潘舍人

天林山叢叢

握手知交在科頭禮數寬

是日酒坐如許太守榭平司馬翰楊太學文蓀戈茂才載

皆舊友

梅亭通窈窕薛澄望回盤歛斝蟻花動離筵蠟淚

乾儻成過嶺集歸更質騷壇

鄧尉

晴雪溟濛玉作堆夜船吹笛酒樽開六浮閣下春如海

只共檀園隱士來

謂李茂才可久

吾家山近費家湖萬頃橫枝尺幅圖處士孤芳品太冷

移家爨斗柄來無

黛湖漁長鷗園客高詠山窗有舊盟

丁亥春董琴涵琢卿二丈朱孝廉綬

好深湛思室詩存

卷十四

九

潘舍人曾沂同游距今二十年矣

廿載春風誰管領萬峯臺上看題名

攜將畫榼與詩瓢瓊玉峯幽壁月遙一片春風送歸棹

寒香引入虎山橋

故友從弟輩餞飲竹雲校書處長歌紀之

我本吳市吹簫徒結客游俠兼屠沽傀儡牽絲偶作劇

流浪廿年西子湖西子湖泛宅重歸卻范蠡扁舟門外

泊酒壚歌榭都非昨金閭亭畔柳青青似我相逢怨搖

落羣從阮謝交羊何攬環倚袂紛經過臯橋泰娘雙翠

娥晶簾喚啟徵清歌低鬟出拜豔綺羅金樽銀燭照顏

醜紫鳳曲項撚雲和墮懷明月春風多今夕何夕歡無  
那有酒不飲奈明何轉歎萍蓬落江海釣游故里幾人  
在屨廊香徑總荒蕪一髮青山顏亦改千尺雪萬笏峯  
寂寥但聽寒山鐘畫樓珠箔飄燈夜不見江南盛小叢  
折柳章臺馬歸路鷓鴣雞唱曙歡如霧今夜佳人錦瑟旁  
來朝酒醒知何處

省墓

十年違麥薦萬里又萍浮

將赴滇買銅

歸鶴迷華表驅狐卽

故坵遺孫丙舍近行役甲亭修揮涕松城雨虛封土一

好深湛思室詩存

卷十四

十

坏

王安人殯宮

重營齋奠日畱取俸錢償久撤廬居杖猶塵箠竟牀重  
泉詩漫與同穴誓難忘瘞玉薤香句還銘大道王

吳中舊友十首

舊京門閥數平當遷宦無端入夜郎吳樹黔雲詩袖滿

天南只共雁南翔

平司馬翰

紅蓮淥水附名流記室翩翩琳瑯儔終作諸侯老賓客

才人不遇感楊修

楊太學文孫

無雙叔重五經師  
凌長高名月旦知  
江國重逢一麾出

先看丁卯集中詩

許太  
守槿

紅牙板底研律細  
綠斐軒中譜韻新  
誰識虹橋歌吹地

翠薇花下老詞人

戈上  
舍載

石湖居士風徽邈  
鑑曲詩人翰墨殘  
廷秀千巖俱不作

遂初還許附詞壇

尤廣文  
崧鎮

茂苑洲南乍欵荆  
交從短李締鷗盟  
未須入洛騰聲譽

蚤識江東陸士衡

陸布衣清桂  
謂布衣  
介李茂才可久見子

近游負米猶人子  
絕學傳薪亦我徒

茂才元和先師子  
也能孝養其母

好深湛思室詩存

卷十四

十一

惆悵侯芭還載酒  
草元亭上問童烏

李茂才  
可久

鼓板師堪閱歲華  
長康癡絕卧煙霞  
虹橋花月飄燈夕

三弄先尋舊笛家

顧  
崧

清歌薛訪題牋內  
高唱何戡按板閒  
老去年華遣絲竹

問名都愛識東山

金粹  
山

越王臺遠控鞭絲  
樂府名經帥府知  
我向荆南訪巴里

記成合問盛宏之

盛柳  
溪

劉家月旦嗟無偶  
衛叔風神迥出羣  
漫笑王融矜宅相

已知阿士定能文

馬甥  
世賦

近游息園示羣從

步履隨春風永巷娛晴暉羣從此聯轡名園言欵扉飛  
閣山翠入曲廊池水圍一徑轉松篠粉絮沾春衣裙腰  
藉綠蘇屐齒黏紅肥鶯林雜歌嘒魚藻漾芳菲亭亭妙  
巖臺梁苑宮花微燕塚香同瘞翠鈿人已非游賞卽今  
永惻感攬古希主人雅延接淪茗青苔磯筇宜高矚引  
扇爲暄景揮釣游恍舊夢歸詠增獻歎

南園

南園傍鯀水步履近招邀杏雨紅黏屐菜花黃過橋樓

好深湛思室詩存

卷十四

十一

臺臨水近紉綺得春嬌甘載家山夢重經髻已凋

金亞伯廷尉應麟大江泛月圖

虹月滄江景沈寥翩然琴鶴載輕橈錦袍醉酒青山近  
鐵板傳歌玉宇遙自昔戍樓嚴北府有人擊楫感南朝  
茫茫天棧還形勝閒話祇應漁共樵

亞伯廷尉屬畫三十六陂秋水圖旣成并系六言

絕二首

隸屬謝家太傅堰傳陳氏使君一樣孟城惠愛後人誰

誦清芬

野外鹿筋社古湖中蚌殼珠沈行遍大隄楊柳歌同召  
伯棠陰

問梅圖題詞

雪壓疏籬月射樵自攜鴉嘴課園丁移家合近林君復  
豔玉寒香放鶴亭

紅羅亭畔栽三面玉照堂前寄一枝比是相從何水部  
一般官閣賦新詩

好深湛思室詩存

卷十四

三

珠官閣賦新詩

好深湛思室詩存

珠官閣賦新詩

好深湛思室詩存

珠官閣賦新詩

珠官閣賦新詩

好深湛思室詩存

好深湛思室詩存卷十五

著雍沿灘大同兼武博賴則潤春殿題書

名山將赴滇中畱別一二知己

未能戢影役車休黔樹滇雲道阻修輦叟一竿宜放佚

彌生半刺任沈浮間希彭澤咏歸去愛誦離騷事遠游

漫擬乘槎問消息鑿天何路到牽牛

幾輩鴿原託友生旗亭絃索且尋盟

吳頭楚尾重游歷陸弟周郎幾合并

好深湛思室詩存

卷十五

華皆時巴里曲堪酬宋玉桂林秋合擬張衡長亭短堦

過從閒關路甄古誰能到柘城

衆香爲國酒如澠祖餞連宵水檻凭唐介豈真輕去國

張融亦復託求丞身行萬里憑詩卷手盡一觴共夜燈

倦向蘇門振鳳翮誰能長嘯覓孫登

鄧山採取役倥偬第一籤程浙路東旅話江湖三載別

名場出處幾人同蟻花勸醉傾甌碧蠟淚傷離隔座紅

歌板簾衣重回首難忘五柳故園中

陶司馬園同人集恆於此

富春郭外山色青岩堯暖翠浮嵐重重不可描十里廿  
里赤亭轉沙嘴五層七層白塔冠林腰扁舟泛來金牛  
湖畔宅尺幅畫對黃鶴山中樵桐梓關前暝色向天盡  
客從嚴陵瀨邊停畫棹

瀧中吟

卷十五

二

二

嚴子瀨桐君山山闔闢灘回環七里內雙臺間芙蓉朵  
朶青楓林片片丹瀧中客行嘯日暮來忘還子陵魚金  
華酒攜我榼酌我斗倒接羅鼓瓦缶醉酌明蟾開笑口  
瀧中風土清且嘉十人九漁船爲家釣車釣筒江之涯

好溪湛思室詩存

卷十五

二

生不識羊裘老垂竿大澤客星皎亦不識謝參軍敲碎  
竹如意歌哭埋秋墳瀧中行看不足玉宇澄金波浴畫  
眉唳鷓鴣宿漁榜歸漁歌作便欲移家此卜築蟹舍魚  
莊良不惡得非嚴氏孫世占美林壑船船婦子漁家樂  
畫圖如披趙令穰

趙大年有漁家樂圖  
卷昔爲墨林所藏

樂府還題茂倩

郭

重抵蘭溪

穀州吏隱滯三年此夕清江重扣舷客愛鷓鴣灘上宿  
眞尋桐柏館中眠鹿田奇境靈風雨羊石仙蹤古洞天

婺女城遙問遺佚月泉汐社總雲煙

謂謝臯羽暨其友方韶卿吳子善輩

龍游

盈盈澱溪碧撥棹散輕寒入聚分篁步爲園擬橘官山  
亭遠落照水碓響連灘明發龍邱過青霞策杖看

衢州謁董柯亭觀察

監司榮寵戟門開太末遺墟衣繡回直指高名在朝

望察廉重任借公才深資五術捐茶網已見三年啟柏

臺

公權廉訪三載甫旋本任

猶憶行觴風月夕庾公樓敞數追陪

迢遞三衢豸節揚朱輪還憇舊甘棠征鴻暫逐湘南遠

好深湛思室詩存

卷十五

三

神駿難追冀北良雅許卞門青眼及詎勝馬氏白眉長

鈞屢邀獎許

韋司燕寢今重歎願託吳歛進樂章

玉山

已越三衢道還看一簣山人家隨郭盡橋影逐溪灣歸  
笠村牛負行車戶犬豕明朝重鼓柅穩臥聽淙潺

廣信

信州風土美埤垵帶南屏松石荆公詠茶山陸羽經

城北

茶山陸鴻漸嘗居之

上清仙觀闕賢守古杯亭

城內一杯亭宋郡守趙汝愚所建

爲政與梁在爰知鍾地靈

浮橋名鍾靈

鉛山

古樟城不遠鼓枻破江煙河口鳴榔急山頭覆金圓鷓  
鷄乘渡筏茶筍集行船問訊鵝湖社春風緬昔賢

弋陽

仙人城在望一棹劃清波入市得吳語圓場聽楚歌塔  
餘磚堞疊門倚石陂陀松雪溪前思逋翁詩細哦

貴溪

迢遞石鼓塘郊圻上饒匝風激瀨琮琤霧滋山邈邈浴  
鳧萍浪開嘒鳩梅雨颯黃石宿草深桂洲歎朝溘夏文愍公

好深湛思室詩存

卷十五

四

言墓在黃石渡

安仁

薄暝扁舟泊侵辰畫角催沙回墟市見山遠郭門開柳

岸金垂縷梅村玉作臺虞奎章去久誰約看雲來縣有吳真

人全節看雲樓奎章學士虞伯生贈詩云行過梅花一  
萬樹卻登高閣看雲生距縣三十里日黃金埠隄多柳

餘干

琵琶洲畔路平遠帶鄔陽水確啞啞接風帆葉葉張尋

眞黃蘗寺寺爲梁晞得道處證古白雲鄉隋築白雲城是處宮亭近

行行餘水長

距餘干六十里

玉山山後發容

鼓棹入幽窈平江落照紅水光涵岫動雲影散天空拂袖誰攀桂行舟有落楓劉郎此懷古詩意小山叢

瑞洪謁令公祠

張鬚怒作蝟毛磔鼠雀城空力盡時生比重瞳捐愛妾

死憐南入絕孤兒霽雲有子名承嗣官別駕自請從軍討王承宗柳河東代為作狀獨

支河北中流柱孰援山東一旅師逆賊賀蘭虛請劍也

應頑鐵鑄公祠

好深湛思室詩存

卷十五

五

杲卿舌與霽雲指熱血千秋共一腔二十空城誰死烈

一千餓卒不生降文章睢水傳來獨謂韓文公作傳睢渙二水有文章見

水經忠義常山事必雙兩廡南雷宜配祭招巫湖畔采

蘭芷

渡鄱陽湖公祠

挂帆湖口席幾重爛銀盤擁青芙蓉難招匡俗巖畔宅

何處遠師林外鐘瀑布一條虹宛宛屏風九疊煙溶溶

明朝南浦登傑閣看足西山窈窕容

滕王閣

朱費畫拱冠南州傑閣猶爲帝子畱檻外江山空百代  
筵前文筆易千秋陳徐高節同遺址吳楚名都控上流  
捲盡珠簾周勝覽祇鄰峽蝶畫圖收

吳橋登閣觀子安序漫占

偶來作賦秦公子傳得行吟楚大夫絕倒吹簫吳市客  
至今新府誦洪都

杜陵評騭歸忠厚俳體時人習易工游客豈真文采絕  
吹噓不遇馬當風

王前駱後自操戈銜級沿流體益訛儷白俳青堪束筍

好深湛思室詩存

卷十五

六

應知徐庾罪人多

鐵柱宮

鐵柱觀古摩穹蒼真人飛舉丹臺藏誰歟注籍許旌陽  
濟拔衆生道非常靈迹千載遺梓桑仙合棄官當太康  
鍊神御烝青霞房有吳君猛刀圭將授以元笈神祕方  
長謝簪組恢道綱願憫濁世胥淪亡手和大藥拯死傷  
周行江海飛裾揚身被岳圖黃神章蛇虎殄絕蛟龍戕  
陸剗水截勇莫當腥血雨灑銀鍔剛豫章游川地脈長  
冶鐵作柱鎖銀鐺神官吏兵靖壇場驅縛妖魅填空隍

夔夔罔象走且僵道成一朝覲玉皇凌虛攝景驂蚪凰  
蒼精爲佩虎鞞囊天樂前導夏璈琅羽衛蹴踏霓旌颺  
雞犬亦逐雲中翔家人悲望車翻岡南昌有翻車岡世  
傳旌陽上昇其僕  
運米至岡聞之倉皇歸覆車於此空餘鼎竈煙茫茫洪厓古井址未荒  
匡俗舊廬山連障鸞陂鵠嶺近在旁故里鶴馭堪徜徉  
神功妙濟今古彰封秩典禮書琳琅爰靈闕宮旃檀香  
迎送之樂諧絃簧仙乎儻來歸故鄉

顏別駕其庶畱飲南昌郡邸卻寄

猶記分襟錢越國重勞投轄灌嬰城雍容車騎慚成語

好深湛思室詩存

卷十五

七

款曲杯盤念舊情光祿薦由分郡出黃門書爲訓家成  
別駕課贛江一棹隨征雁南浦西山別思盈  
子甚勤

豐城劔池

寂寞空池厯劫新石函影動水鱗鱗南山松石久藏弄  
何事延平會古津  
空聞紫氣斗牛來一躍龍泉去不回豈是飛騰神物少  
人間難得遇張雷

樟樹鎮阻風

昔聞松陽門古樟擢庭右見水經注豫章郡以名神讖著禮

斗竭來溯贛江此樹足原藪冬榮齊桂林嘉蔭敷橘柚  
伊誰肇錫名茲鎮與郡偶老榦圍十尋稠葉庇數畝曦  
月影亭午廣羃青陰厚江風石尤多繫紲三日守眷此  
釋子同桑林信宿久明發張蒲帆臨歧幾回首

一刺臨江道中

贛水行不盡清江一棹臨韋丹水利合閤阜

山名

夕嵐深

地擬篔簹谷鄉饒橘柚林回首樟樹鎮螺子辨青岑

是日

由鎮早發

昌山剪刀灘

好深湛思室詩存

卷十五

八

昌山西邁沂回湍清淺舟行鮎上竿我思剪取古渝水  
并入剪刀灘上灘

袁州道中

劉成替域行行近清淺袁江一溯洞十里仰山向東盡

一條牽水自西來詔君終竟栖巖隱刺史長畱賦海才

手掬靈泉尋古寺

郡有靈泉寺寺門外泉尚存

登臨忘卻策筇回

詔君釣臺

唐彭構雲隱釣處寶應中徵召不就後人因名

詔君鄉在袁州府東十里震山巖

六聘亦有山三詔空畱洞焦先不可作霍原尙餘痛何  
似彭構雲鶴書卻巖隴震山山下釣臺高應同巖瀨占  
今重

宜春

漢室封侯地宜春雉堞殘賦才盧刺史

盧肇故宅今爲縣學肇海潮賦

宣付史館姚鈗選入文粹

詩意鄭都官

鄭谷亦宜春官都官郎中

人漁榜侵辰出

搆砧入暮寒古臺付榛棘

宜春臺下有漢劉成墓

閒倚畫橈看

自瀘溪陸行六十里達萍鄉翌日登舟

乍邇仙峯鎮爰駐瀘水舟曠曠逼初曙一鞭遙山投平

好深湛思室詩存

卷十五

九

楚雁滅影叢薄烏吟秋小縣隱巖罅平橋回渡頭青帘  
似招邀驛亭近轉修明發湘江柁遠尋騷客游

洞庭峽

屬萍鄉

連漪劃短橈惠風襲單袷湘東歌夷猶萍老白鷗狎

楚昭

王得萍實於此縣以是名

未涉洞庭波先瞻洞庭峽

醴陵夕泊

孤棹回沙渚輕幘墮江風紛佩思騷客洞溯來湘東醴  
泉有美醞沽之呼我僮扣舷歌郢曲明蟾落杯中涼颯  
動萍水遠煙冒衡峯飛獮緣樹捷回雁暝天空靈修從

眇邈思託芳蘭叢懷古文采筆還慕江文通

淶口

屈子夷猶喚不磨美人香草賦頻仍才人失職千秋例

莫更遣懷杜少陵

杜有上水遣懷詩

湘鄉河口

距湘潭十五里

向夕水天暝角聲出古戍燈昏辨遠村帆轉隨修渚里

墟隱蘆中炊煙起如霧漁父歌未闌一棹滄浪暮

長沙朝發

時大水舟行直復遇順風自省至瓦石磯一日而至凡二百五六十里

曩誦賈生傳長沙地卑溼及至倚短橈三日爲霖急重

好深湛思室詩存

卷十五

十

闖沒礦軌淫滌吞原陘嶽麓翠霞霏湘江浪漵滄堞遠

三板低舟近千檣立晨興此西征帆飛一鳥習橘洲轉

睽過蘆林跂足及人難落雁歸客易聽猿泣遙瞻天水

長一峯青浮笠

瓦石磯夕泊

磯近東湖距陳碧灣三十里

清湘激灩月瓏瓊竹色蘭香漾淺汀不分斷猿嗥淚滿

黃陵祠遠夕揚舲

夕颿吹皺洞庭波碎佩叢鈴煙雨多三十六灣秋一碧

欲招帝子扣舷歌

沅江

楚澤秋始波芳草思公子離憂託九歌空江采綠芷

渡青草湖

是夕宿流星塘

三十六灣碧一十二峯青地遠巴陵道郵連漢壽亭南

湖重淼淼北渚夕冥冥天水涵虛色來揚楚客舸

未至龍陽四里卒遇暴風雨繫舟村樹根作

湖湘百里方浮艤日辰加申重暈遮龍陽未至四里近  
土囊胸欵箕揚沙亟招舟子下鐵鹿絳纜緊縛枯樞杓  
玉女投壺列缺鞭催送天畢翻銀車黑雲如磐壓鷁首

好深湛思室詩存

卷十五

十一

水石撞激雷鼓撾性命鴻毛繫朽索千丈一落毫釐差  
負子結衽但危坐照見暝壁騰龍蛇千林萬竅作獅吼  
徹夜響雜更蝦蟇墓元黃戰綬餘怒濶打篷漸斂箏琵琶  
四座面墨有生氣挽舟速傍重城闔餘悸屏營迴無寐  
豐隆萍翳猶盤拏呼僮估春覓醉臥行路難且休歎嗟

龍陽懷古

楊山斜引壽溪流卜宅李衡占汜洲誰向封君責衣食  
木奴長是有千頭

緜佩玉孫絕代芬洞庭張樂遏行雲雙飛影裏憐青翰

繡被春風問鄂君

武陵

楚澤遠連天武陵一扣舷洞中秦日月世外晉園田芳

草騷人佩桃花漁父船青溪行不盡何處玉真仙

桃源

花落秦川遙猿嘯楚江曙大山宮羣峯微見雲中樹漁

父理榜回仙源知何處

故鄉塘

屬桃源

澧蘭沅芷託微詞秋氣惟應宋玉知今日故鄉塘上望

好深湛思室詩存

卷十五

何人不動故鄉思

始入灘行

楚澤南流賈傅少夜郎西去謫仙狂嗟余游宦非遷客

也歷危灘入瘴鄉

漁子洞

山崖險峻崖巔鑿石空曳鐵鍊以行

山峽茲奇突急湍沸潺湲陽崖截征鳥陰藤挂飛猿旁

注石髓古仰漏天光慳絕壁誰鏗鑿冶鐵鎖彎環行舟

擘之過一髮千鈞然真宰豈有意隨地設險艱往者壹

相戒而我安能閒驚颿上蕩潏盤盪下撒淀誰將擊楫

奮空思引舟還嗟哉久行役安途寫難攀

麻衣塘明月庵

世傳昔有仙對氣在壺觀女鍊真於此

洞府簾垂喚雪衣黃庭經寂粥魚微碧桃花落青苔合  
靜鎖春風玉女扉

青狼灘謁馬伏波廟

火繖摩蒼穹羣峯千仞卓迢遞雷威塘聯舸前且卻

雷威

塘名始入灘處

林箐翳葱蒨礪石壘岸崖冉冉彩虹騫網網犇

電灼盤盃近撇漩噫氣遠磅礴飲猿危枝墮飛鳶陷巖

落絕壁苦攀援引綵鐵冶索巋然新息侯猿象猶雙鑠

好深湛思寧詩存

卷十五

三

荒崖翔觚棱穹祠絢丹艷行李盡虔誠膜拜履交錯青

嶂晴陰殊白晝風霆作五溪緬動名靈爽此攸託犵鳥

紛獐花薦馨采蘭葯齎齎銅鼓灘恍聆送神樂寒月鑿

樓船懷古歎嘗謬

橫石洞灘

落帆牽綵渡喧曬空洞裕衍水石撞不異嶺南詩客過

掉來險語落韓瀧

黃真感寒陳流將鑿林於蒼苔合

懷化驛弔馬伏波

驛上下數程相傳為新息侯征五溪蠻處按驛在壺頭山之西

跼跼飛浪泊年分茅嶺合比燕然銘勳銅柱天南在

六月壺頭便棄捐  
林邑歸甯壯志灰  
偏因戚畹畫圖裁  
羊裘早識君恩薄  
不把雲臺換釣臺

兵法早年鬢已皤  
用王文成詩意  
五溪廟貌至今多  
藤男獠女

何知重銅鼓  
釵敲歲踏歌

次辰州

山椒古郡堞  
落照影蒼然  
驛路單雙堠  
灘聲大小絃  
湍爭五溪水  
翠羃九峯煙  
豈必尋句漏  
丹砂問葛仙

大小西山  
周藏書處

好深湛思室詩存  
卷十五  
古

此地山名酉  
我來斗指丁  
鄉環集仙府  
嶽瀆效真靈  
周柱史誰記  
秦灰劫未經  
何當探洞籙  
石扇五車停

瀘溪舟夜

角聲動古堞  
蕭颯暮帆收  
楚澤孤飛雁  
吳天萬里舟  
銀

燈詩後燼  
冰簟夜來秋  
臨水登山意  
難銷宋玉愁

舟次普市訪鄭生  
銛不遇  
生以祖雪堂都督丈  
難廕恩賜舉人

五柳移家有畫圖  
都督自鳳凰  
難廕  
移家於此來  
探三徑  
舊琴書隨軍

未失李當戶  
勤學重看董  
仲舒背郭堂  
因杜甫築濱江

宅問子山居  
倚將桂棹招公子  
沅芷澧蘭思有餘

辰溪

前灘漁父罷扣舷孤雁夕下黃沙田土花剔石辨吳碣  
水聲拍枕橫楚船壞堞曙星落將盡古庵夜火寒不燃  
山城一角李唐畫白石巖嵌古洞天

黃獅滾洞灘

駭浪拍山山欲走霆擊雷轟夔象門林崖裂礦霾白晝  
萬箔棉飛一綫漚初如軍交戰馬蹂倏似潰奔捐介胄  
巽鳳拗怒石扇刮起舞玉蚪掉龍菹絃然洞腹踞狡夙  
苔髮蓼蓼肆抖擻大編遠夏此中驟振舵撼檣勢將覆  
好深湛思室詩存 卷十五 五

人生禍福巧相湊性命鴻毛一轉脰攀危淩險謝猿狖  
垂堂有箴輒負負長年焚楮向空祝出險入夷天所祐  
山魃蝸蝸厠我右乍回面墨驚魂收水聲風聲落巖竇  
餘悸猶聽獅子吼

河溪灘

昕望河溪灘震霖侵衣禡候渡津吏前急湍撼短楫挽  
綽呼歎歛十人九疲茶剗然朽索絕如馬脫銜鞅復遭  
擲鷁風險同灑瀕峽沸騰大波軒駢黜壞雲壓始作飛  
鷁退終似墮鳶跼一髮引千鈞六時方逾躡履險既如

夷母迺山陰接行行至茶陵波鏡宛清雪呼僮亟村沽  
醉歌試彈鋏  
天林夕泊金鉤塘  
急灘朝洶凜清籟晚颼颼夷險出一途頓釋客子憂空  
壁挂飛猺澄波泛輕鷗當風隋帆緩傍巖蕭寺幽四圍  
純紫翠暮色殘照收迢迢金鉤塘榜人急前投紉佩蘭  
芷夕鼓棹蒹葭秋楚澤一已遠唐景渺前修行止順所  
適慕古空悠悠

洪江道中

屬會平縣

好深湛思筆詩存

卷十五

六

曙色荒荒白沙洲淦淦沈山嵐連宿霧畚燒隔遙岑乍  
識居衡木

至此始見搖俗

還看戶揀金

居民多淘沙揀金爲業

兩三徒跣

伴都唱女郎碓

竭來黔楚交危灘動相戒洪江一舍近兇嶺半山砦軒  
然大波中齒齒石當對布棊間羅星攢鋌復植鐵仰恐  
天柱折俯愁地軸壞伊余涉湍流杯中一浮芥舟子不  
加慎觸石將摧敗危同漏塞卮急於津問埭踟躕篷席  
間飛沫濺襟佩進退鷁隨風得失馬求塞險夷在轉睽

臨歧發長慨

寓木龍將

木龍將

木龍將

木龍將

河嶽黔陽

河嶽黔陽

河嶽黔陽

河嶽黔陽

河嶽黔陽

山城起樓櫓風物滿斜陽誰闢荆芳路思奪蘭芷香地

仍新息壘石似晉公堂

近城石似園亭所壘裴晉公有假山詩

猶隸黔中

郡嫌名問舊章

空高麗洞

空高麗洞

空高麗洞

空高麗洞

空高麗洞

同此急湍險何殊異域行盤盃將地陷裂石使天驚應

有仙人草休嫌洞錄名遼陽控歸鶴疑動故鄉情

大惡灘

好深湛思室詩存

卷十五

七

茲灘走長虹狂瀾遠澎湃水石怒擊撞雄立黔楚界我

昔聞惡灘甌江行者誠此名誰所嬗爭長獨爲大天宇

割鴻濛噫氣撼秦岱驪蟄海嶠驚犀照江天駭危檣蕩

遠空黓黓壓雲壞便將秉炬前石屋探仙怪

滿天星灘

滿天星灘是灘與黃猴灘茨灘爲楚省最險處

河機石恆河沙散布翼軫井鬼楚黔分度內暑疊復屹

屹擊蕩潛蚪窟木龍挑成溜

木龍河工挑溜器

斗門籠爲竭

遮害

亭斗門爲激石五見  
漢書及顏師古注 誰歟堞疊撼狂瀾鈎連地肺餅山

骨立海水轟晴雷砵厓瀉瀑爭喧豕監祿孽流剏鏹背  
李冰扼隘營離峯如屋建瓴圍轉坂就下走壙中衢開

至今連檣排楫行利便過者交誦龍工來  
龍工見列女傳

黃猴灘

昔聞巫山三峽長嗥猿兩岸下瞿塘過客因之淚霑裳

何如黃猿灘無異黃牛峽空潭手飲來湍籟哀吟答明

月疎後夜郎西  
用謫仙詩意 楚江一樣盡情嗥總非孤棹南

遷客聽得三聲落淚齊

好深湛思室詩存  
卷十五

六

茨灘

轟階壁誼犇瀑大波軒盤渦作越山巔蟠山腳十夫百

夫挽十丈廿丈索縷梯懸度險將落舟入危灘前且卻

四舟人挽一舟蛇行匍匐地搶頭得尺得寸汗雨流力

與水鬥同潛牛呼叫動天一舟過又去前頭顧後頭

晃州

凌虛轟樓櫓古堞帶山腰郭繞灘逾急帆高風更驕佩

攀沅芷近船椽且蘭遙黔楚襟喉地蒼茫見戍譙

好深湛思室詩存卷十六

吳孫義鈞和伯氏著

鮎魚灘夕泊

屬貴州玉屏

羣峯障南天灘轉崕呀入金颿散夕氛行舸待維縶白日倏雷霆怒號土囊急穹崖起大波轉鬥玉蚪集歎珠滾晴棉掀天勢滄滄鈺鼓奏旬鏗組練光凜濇昕宵此沸騰下疑鮫龍蟄何緣肇錫名縱壑比鱗鬣變幻珥蛇逝翻飛海蠻泣髣髴凌天閭揚髻禹門級一氣破鴻濛六時互嘘喻危檣簸終夜客心滋愁悵何當搏鴟溟遠

好深湛思室詩存

卷十六

一

招盧敖揖

玉屏道中觀石壁

我溯沅澧游至此郢曲闕靈山眉睫前道書失采擷絕壁卓千仞摩霄峻且潔石扇垂天紳晴空玉龍掣土花作繡紋黝然積古鐵黑磐元圃雲白戰瑤池雪如披山龍衣黼藻金仙列游興會泐濇詩境助砗砢回眎楚澤雲蘭芳自消歇

老虎灘

屬清溪

林箐月黑吹腥風一嘯谷應從雲龍蒙戎苔髮踞巖竇

髣髴猙獰渡河走電目礮彈飛金颯跑泉騰沸林刁刁  
當關行旅多辟易似見將軍沒羽石

清溪灘河行盡口占

黯澹彌陀轟巨雷灘行情到越王臺楚江詎遜閩江險  
碑碣詩都險處來

船椽牂舸過楚西樊州遠上五峯低恰逢一夜瀧頭雨  
才到沅溪又澗溪

鎮遠晤廖太守惟勳別後卻寄

七載巖疆驄馬來文章政事使君才二千石吏循書首

好深湛思室詩存

卷十六

二

八萬古州荒裔開履險已忘諸葛洞誦勳應過李冰堆

郡南大王灘上下著名險處太守鑿平之化險爲夷行旅利便授餐適館尋常誼與馬

江干勞往回

屏風山枕澗溪流地控南陲資運籌偏沅制官歸鎖籥  
楚黔錯壤重襟喉佩褰蘭芷多華藻社近枌榆託舊游  
十日平原忘淹滯奈懷靡及逐輕輪

邸次漫占

險灘百道喜經過沅芷澧蘭擊楫歌我正舍舟要遵陸  
椽船何處是牂舸

中元古洞望北極閣

屏山連郭外溪洞轉穹窿絕壁引飛隴清江落彩虹

洞北

仙橋

松篁山鬼路煙雨水仙宮銅鼓年年社遺釵問棘

僮

客臥倦幽探樓高面翠嶺懸梯窺鳥道匹練挂龍潭

青有

龍洞

挹袖仙三島燃燈佛一龕

閣最高旁有大士殿夜輒燈火映江

我來

繙洞籙欲向伯陽參

吉祥寺弔甘忠果公

公諱文焜遼東人康熙八年任雲貴總督會丁

好深湛思室詩存

卷十六

三

內艱請假葬親還京面陳平西王吳三桂不軌

狀十二年五月履前任十二月三桂反提督李

本深以安順應省城不可守公殺其妾攜子國

臣馳赴鎮遠思招集楚兵扼險隘使賊不得北

出而副將姜義先從賊各營響應公知事不可

為至寺先縊其子北面拜痛哭自刎筆帖式何

善雅免皆死之事聞賜祭葬加贈兵部尚

書諡曰忠果

星節宵奔烽火馳牂牁半壁竟難支睢陽殺妾英雄氣

元濟無君跋扈師一旅誰援耿校尉謂李本深以下皆應賊尺書

不報李騫期公聞變致李書激以忠義祠堦雙柏蟠蚪

翠猶似孤忠勁節持議駐師盤江同禦賊不報祠在寺右有二柏蒼翠蟠曲如虬龍

樊州無計挽天戈血濺襦裙涕泗沱匹馬空馳黔地盡

一軍無復楚聲多謂姜義等俱叛姜或作江烏飛齊遁全糜潰雖逝

虞亡獨嘅歌今日

褒忠垂鉅典南雷耐祭合同科謂國臣及何雅俱當從祀

文德關

關距郡城十里坡級高峻古守險處亦名油榨

好深湛思室詩存

卷十六

四

關

吳宰豈有意隨地設險艱一夫當蜀棧二世封函關樓

櫓接烽燧埤坵叢榛菅類茲扼要地戰爭詎能閒繫余

此遵陸驅車聲班班兩崖石壁峭一綫天光慳頗似登

梯級幾欲回車轍修綆力牽引馬瘡僕亦瘳此邦槃瓠

種么麼昔構患焚掠山澤空轉鬪原野殷是關亦孔道

刁斗邏回環未能恃阨隘誰為格冥頑固我圍匪易悵

望空江山

相見坡

相見坡異哉行人蟻旋磨梯級直上列階階螺轉而下  
窮坎坳下山更上山綆繙苦援攀後車若相逐去馬復  
來還立中坡首尾見前人忽對後人面輿丁作牛喘僕  
夫類馬踠摩頂已升千仞岡回磴還紆九折坂三坡盡  
歷力盡疲首尾相顧塵面薰手招口答同尺咫相距不  
知三十里

坡三峯迭起高皆千仞登首坡則尾見登尾坡則首見立中坡則首尾皆見計程三十里

### 施秉

竭來灑陽郡轉入夜郎天楚水偏橋盡黔山平越連煙  
霏開遠戍磴轉控長鞭想望岑鼇壘

邑舊城北有岑鼇山明設防於此壘

好深湛思室詩存

卷十六

五

址尚清時罷按邊

### 飛雲巖

說鈴陳鼎滇黔紀游飛雲巖玲瓏奇絕巖下有  
溪石梁亘之度橋歷級而登仰窺雲際覆如華  
蓋乃飛雲巖也蛟龍獅象碧乳滴成上垂下伏  
鱗甲宛然巖外三峯壁立高與檻齊有亭翼然  
臨於峯上飛泉潺湲冬夏不絕云

我馳役車熊躡邦楸船徑逾牂牁江渴聞黔山天下最  
登躋亟雇輿丁雙興隆一舍月潭寺靈境天關心爲降

三峯檐際峙列鼎一溪門外亘徒杠有巖窪中若廬旅  
下垂雲葉撐青筥環如陣雲結壘壁簇如鹵簿森矛鏃  
翩如鳳鸞翥霄漢矯如獵狄飛湍瀧奧如球圖分珪璧  
樸如鼓缶閒豆夔繚如蒼礦穴虺蝮昂如赤渥騰騶駪  
如寶相輪綴瓔珞如列仙殿懸金釭如網珊瑚錯瑋瑁  
如藜苕藻擧蘭茝更奇瀛海浮慈航龍女前導蓮花躡  
香象馴左獅蹲右髣髴落伽供佛幢鬼輸神擘光睽矚  
箕張昂萃形黜甄鑿空疑出巖屨掌凌險欲掉都盧幢  
紛紛眇肖心目駭一一詭譎神魂懣有階卓爾循梯枕  
好深湛思室詩存

卷十六

六

有樓翼然敞樞窗巖嵒噴瀑紆縞素洞罅冰乳流琤淙  
三徑古苔滋活碧十丈翠柏蟠空腔呀然石扇黝且遼  
沙彌導引言多囁坐我圓蒲啜苦葷泉聲篁籟聽從從  
筇枝七尺挂巖巖芒屐一輛躋崆峒乍來頓教豁胷臆  
歸去未覺酸醃醃欲圖眞靈詮洞籙恨無健筆龍文扛

重安江

屬黃平州

重安江上路古戍閒琊川李郭同舟濟楊安覆轍連

越平

皆播州地明土官楊應龍叛制府李化龍中丞郭虹梁  
子章討平之乃設郡縣繼楊弄兵者有水西安氏  
落天外雉堞接峯巔播凱今同軌空餘廢壘煙

葛鏡橋

雲梯與石棧蜀閣未迢遙拔地插天壁轟雷噴霧潮長虹低飲礪飛獮遠攀條我豈擁高駟題名司馬驕

楊老驛竹王祠歌

驛去清平縣三十五里漢武時夜郎女斡於豚水有巨竹三節流入足閒中有啼聲剖得一男

育之長有材武自立爲夜郎侯氏竹爲姓所捐

破竹成林今竹王祠竹林是唐蒙開牂牁斬竹

王夷獠咸怨以竹王非血氣所生求爲立祠帝

好深湛思室詩存

卷十六

七

封其三子爲侯旣卒配父廟今竹王三郎祠其神也事具班史

君不見哀牢沙壺觸沈木龍種有子紛孳育九隆長王

攻鹿芩雷震箬船竟臣服九隆事見范史又不見獠女斡時竹

節流豚水得子雄夷酋牂牁劍石著靈應唐蒙僂之旋

封侯鴻古異聞測誠巨坼副懷已同翼卵三郎字見本傳殊

非血氣生祠廟至今盛香火徐偃棄穀歸鵠倉務相化

虎君鹽陽徐偃事見博物志徐州地理志務相事見鄆道元夷水篇注地在漢武陵郡很山縣自

來空桑瓠摯嵩生啟淮南子禹娶塗山氏至嵩山化爲石禹曰歸我子石破北方而生啟

高注陽城西有啟母石呂覽有佚女采桑得嬰兒於空  
桑中命曰伊尹故酈亭涯水篇注曰啟生石中摯瓜空  
桑何有自大夜郎一竹王

響琴峽

在清平黃花塘

誰識峽中琴鳴湍瀉碧岑管絃能赴節山水有清音胡

馬思歸引巫猿過客吟時蒼洞非遠

大風洞道書目爲時蒼洞天後門通

楊老策杖更幽尋

貴定

舊縣青山郭斜暉落戍旗烏龍眞士迹白馬長官司古

洞開蓮座

新添衛卽縣地去縣十里有憑虛洞俗名母珠

山僧獻茗卮甕城連

好深湛思室詩存

卷十六

八

玉杵馬首厯欽寄

龍里

亭亭紫虛閣城郭畫圖閒苔潤畱雲洞箒深阻谷山龍

回臺樹舞魚戲石花班一舍黔靈道來朝徑叩關

黔中咏古雜詩二十首

夜郎劍石著靈詩豚水封侯史乘知

夜郎侯見班氏漢書

銅鼓迎

神楊老驛棘僮多賽竹王祠

倣見南荒文教開尹珍毋歛號通才七經五緯名儒業

許汝南前問業來

尹珍字道正牂牁毋歛人從許叔重受經書圖緯學成還里教授南城始

知學

將軍遺廟倚山陬苔蝕蝸涎斷碣畱

關索嶺志云索武帝幼子從諸葛武

侯南征有功然陳史不列其名

豈是求金等丁廩不傳姓字蜀春秋

瘴雨蠻煙五月濶爭從羅甸領兵符當時負弩牂牁道

知有前鋒濟火無

諸葛武侯南征牂牁帥濟濟火積糧通道以迎侯命為先鋒佐平西南夷

擒孟獲封羅甸國王

震誓南夷靖鼓桴何如王遜刺甯州

王遜為州刺史晉明帝時李驥攻臺

登遜合姚岳逆戰堂琅驥大敗遜以岳不窮追怒甚髮上衝冠帽裂而死

督師死有堂琅恨

誰似衝冠一怒不

好深湛思室詩存

卷十六

九

烏江北近養龍司惜別還傳供奉詩

司在修文縣北有烏江李供奉烏江

畱別宗璟詩云白帝曉猿斷黃牛過客遲遙瞻明月峽西去亦相思

明月峽邊問宗璟楚

猿啼曉苦相思

賜緋襲組表殊勳南八有兒著舊聞

南霽雲子承嗣由婺州別駕歷施涪

二州請從軍討王承宗柳河東代為狀

摩壘塞旗

即狀語 先烈在從軍贏得

柳州文

飛錫黔南路不迷毒龍聞呪浪花低秋江獨泛慈航去

夢得新詩兩袖攜

劉禹錫送義舟師還黔有詩并序

巫峽臺高雲冉冉壺頭山遠翠層層一天瘴雨乘輜過

愁問鮮于老祕丞

宋梅堯臣有送鮮于祕丞判黔州詩

順元路近鬱林遙大德初徵宣慰朝

黔稱貴州始見於元大德六年劉深

征入百媳婦事載元史

蠻語乍傳紅狔狔土風漸化紫薑苗

烏蒙蛇節起戈鏃芒部紛紛駐節幢樞院籌邊但驕寇

玉符重受祿余降

大德中宋隆濟蛇節祿余相繼叛至順三年復從祿余降予以官

百萬羅施得所歸使羊入廡諫書違黃平一夜斗星賁

難挽中樞李德輝

至元中羅鬼叛李德輝到官播州諭降其長阿察曰吾屬百萬微公來死

且不降今得所歸矣上聞改鬼國為順元路後有語其受蠻馬千者帝曰是人素知雖一羊不妄取者德輝還

至黃平夜星賁如斗歎曰吾嘗夢主鳥江今播水名同遇星賁死徵也尋卒

好深湛思室詩存

卷十六

十

將軍符虎佩珠條世襲簪珪蕃長豪

元授水西阿畫為龍虎大將軍佩三

珠虎符賜名帖木耳不花靄翠即其子

宣慰司重官靄翠銀鳩杖又與兒

曹

閣鴉傳走達烏蒙詔許奢香九驛通

奢香靄翠妻通烏蒙蜀道事見明史

邛竹杖來蒟醬市應過諭檄馬卿功

一峯如戟一峯環烏撒師屯鸚鵡山故壘試尋傳穎國

傅友德自曲靖搗烏撒取道南籠

戍旗晴展七星關

七星山在畢節城西上有關友德於

此戍守

何陋居方受一塵烏言羝服豕牢眠龍岡巖下題名處

抵得陽明小洞天

王陽明謫龍場驛時名其軒曰何陋後建書院

庀材鑿石伐荆芳小築龍山負甌升

張紳字鶴樓遺成都勻游龍山悅之

有道院記勺人為建閣其上

十載鶴樓登陟處烏猿尙挂白雲層

龍里園林不可尋何年杖履入巴黔

徐渭字文長山陰人隨父入黔占籍

龍里詩文畫妙絕當時

青藤贏得江山助半是楚歌半越吟

繡衣使者按行邊一棹重安江上船

夏文愍公言有何重安江晚渡詩

事桂洲曾喚渡山城粉堞入詩篇

三絕爭推翰墨香會偕壯悔騁詞場

楊文驄字龍友貴筑人博學能詩尤

工畫崇禎時為兵部郎

不逢馬阮南朝貴已分身終駕部郎

好深湛思室詩存

卷十六

七

涵碧潭甲秀樓

在省城迎恩門外南明河菴磯上

絕好風光甲秀樓峯排霞捲足清幽憑虛手可捫星斗

招隱人宜狎鷺鷗雉堞四圍山北去虹橋雙影水東流

南明一叩元真闕抵得盧敖汗漫游

漁磯灣

在南明河左

南明河外動涼颼芳杜洲前步履遲鼓枻人歸四山暮

瀟湘閒煞老漁師

菴磯灣

依稀小李將軍畫髯髯宣城太守詩占得江南好風景

垂虹一路柳如絲

白雲山羅永庵

在廣順州庵後有流米洞相傳明建文帝隱此

米自洞流出供朝夕載省志金川門之變帝闔

宮自焚中使出其尸於火見實錄無可疑也自

遼國之說起而黔滇之域建文之行轍殆徧地

志野乘記載紛如矣因羅永庵流米洞作詩闡

之

戎馬金川烽火關柘袍何處換袈裟幾聞化鶴歸華表

好深湛思室詩存

卷十六

七

虛聽嘯鵲望帝家吳淝悲歌空故國長陵師起吳江陶振作袁吳王淝歌

後振死於虎說者謂九成王安在豈天涯南荒志乘從

峯無虎實文皇死之耳

茲徧游迹紛紛鏡裏花

書成遜國費疑猜燕子飛飛話劫灰山島鹿容銜穀至

佛幢龍又獻泉回吳宮衰草阿監老蒼洱窮山帝釋來

雪僧鍋匠雖非寔從亡有川中補鍋匠雪庵僧東湖樵父諸隱號轉輪殿鼠嚙餘冊以姓名

黔中五謫咏

王昌齡江甯人左遷龍標尉今黎平府開泰縣

龍里司地城西北有龍標山乃唐敘州龍標縣

龍標昔遠戍絃歌就竹叢春酒遣野讌青山落杯中龍

里今寂寞不見松城松

王有龍標野宴詩墓在開泰縣界

安齊李白坐永王璘事南流夜郎今遵義府桐梓縣

有太白故宅

謫仙仙之人浩歌望金雞五溪愁水宿三峽苦猿嘯聞

心寄明月直到夜郎西

李南流寄內詩有明月樓中音信疎之句

程敦厚字子山宋高宗朝侍講忤秦檜謫渠陽

土人爲築大觀亭居之在黎平湖耳司東

好深湛思室詩存

卷十六

十三

子山骨鯁臣講筵矢忠諒萬里投蠻荒一言忤奸相誰

陟大觀亭雲天此仰望

王守仁以糾劉瑾謫貴陽之龍場驛名其軒曰

龍山何陋從游者日講習其中闡良知之學歸朝後

爲建陽明書院祠之

伯安濟世材迺竄龍場驛四錄闡微言一書弭釁逆

謂水

西安氏將從逆以書止之

湖厥功在社稷

請懸書鄒元標字南臯官刑部疏論輔臣張居正廷杖

謫成都旬日講習易明良知之學與勾士相切

龔所著有雲中稿

南臯廷諍日觀政白雲司輔臣糾非孝疏有非孝者無君句後學

闡良知鶴樓同謫謫抗懷雲中詩鶴樓謂張翀見詠古詩

不齋清鎮盤山古翠如

茗亭雲歸嶺控鞭來郭外香鑪銅鼓閒皆邑境山嶺名古翠如

圖畫氣西

金竹安平趙氏

驅車平壩東沙竹驛重重隻猴連雙墩遠峯間近峯珠

泉客路飲邑有喜客珍珠二泉翠樹女冠容邑天台山有神女廟女冠所居翠樹葱蒨

好深湛思室詩存卷十六十四

頗堪漫厭征塵苦雲山足盪曾邑天台山有文蔚山古台山有文蔚山

聽車石板房邑外

金竹府遙鼓角連家家荒砦羃嵐煙焚僮歌入秋山暮

石板房西控馬鞭居人多以石片代瓦故名

蒼亭普定屬安順府

不識盤州路連山石笏青石笏山名在城東五里巖颯疑虎嘯潭

水帶龍腥城東有龍潭古驛雲間戍浮屠風外鈴城內有塔山欲

諸羅鬼俗蠻語未堪聽

鎮甯

鎮甯

安莊衛近萬峯環束筍抽簪不可攀龍井馬場回伏勢  
水西直到白巖山山在州城西三里山勢起伏自水西至普定老虎關馬場龍井等鋪綿亘百  
里至此而止

白水河瀑布長歌

白水河奇哉羅施東北萬山之中來長虹駕霄龍赴壑  
碎崖裂礦蜚晴雷捷獲鷲鳥不敢度未至十里聲誼  
得非豐隆連鼓落阿香雙碾車輪摧萬里橋邊心目眩  
獠洞訇然開石扇千仞懸空千匹練濛濛飛滾萬箔棉  
玉蚪縞鬣騰蜿蜒跳珠捲雪轟電噴煙上有青藤挂猱

好深湛思室詩存

卷十六

十五

之絕壁下有丹穴潛兕之深淵天紳倒垂光浩瀉濺衣  
透和心茫然雪練晴川鑄古碣漩渦下探犀牛窟誰歟  
潢池此弄兵十萬軍資一朝沒寶藏牛渚同珠淵龍所  
宮攫金泗者駭犀門至今飛湍怒濤紛潰洩白水河望  
川之亭高嵯峩下有碧潭雲起五色多客來臨觀岸中  
幘征鞭欲挽羲與和何哉香鑪三疊匡廬泉石梁瀑布  
天台巔雁宕二湫幾拂袖黃黠九派空鳴絃白水河更  
奇最銀潢瀉落青天外莊躋椽船目瞳眈宓妃雲從旋  
軒蓋何當高揖盧敖汗漫游仙心直抵凌蓬海

郎岱道中

前山瘴開後山霧羊腸鳥道莽前路雲磴百級摩蒼穹  
御風人在雲中度龍家營窟紛野苗鐵練纏軀箭在腰  
朝出射人夜射虎廢砦家家食生牯馬乃平後隸版圖  
漸爾夷風變淳古有客驅車役未休倦馬落日荒村投  
黔突無煙樾餘莖迎人狺狺聲啾啾

打鐵關

拔地干霄勢巖關羅甸西連雲天作棧立壁石為梯牽  
引窮猿臂嶽嶽踈馬蹄躡昔防滑笏捫葛怯攀躋蜀閣

好深湛思室詩存

卷十六

六

秋霖積秦嶠曉霧迷險逾三折坂封僅一丸泥嵐氣開

荒砦秋晴度戍聲由旬迎佛遠

關頂有梵院

尺五去天低

有

額曰去天尺五最高峻處

箐易遮輿憶蠻多控弩鉞龍家空扼險廢

壘草萋萋

油爾西林渡

土人名毛口

盤州江水勢縱橫青草黃茅瘴霧生欲問臨邛持節使

駟車何路入昆明

前山老鷹巖

土人名近斗郎箐

盤州迤西萬山迊劔杪鋒銳紛截嶠斗郎箐險回車轍

瘴嶺干霄驚陡絕，邛笮九折唳千盤。雲梯石棧相鉤連，  
高阜成壘蘊嵐煙。飛鳥捷獵空迴遑，平麓仰眺心茫然。  
歷級初如升木猿，仄磴轉同蟻磨旋。攀蘿捫葛將階天，  
從者肢篋苦不前。何殊庾降擔左肩，忽開峭壁巨靈掌。  
羊腸繩屈堦臺傍，翼附飛霞走頽浪。頗疑陟頂止尋丈，  
矯首屣屨更高亢。一綫鳥道凌蒼穹，盤羊鳥樞與天通。  
直抗華岱齊衡嵩，臨之目眩心神恟。馬頭雲起人御風，  
羣峯帖地培塿同。下視萬仞鮫龍宮，二分足垂慎踏空。  
一躡如丸走坂中，絕頂去天真尺五。施梯躡綆等懸渡，

好深湛思室詩存

卷十六

七

踠驥喘牛盡窘步，來徑蒼茫有餘怖。人影沙蟲不可數，  
千里邊城但煙霧。旋復下巖車班班，自巖而下爲白  
沙舍基二塘如  
鴻順風魚下灘，出險入夷轉睫閒。孟門嶽絕何足歎，世

路可作人心觀，請君莫歌行路難。

松歸寺 普安城東二十里有松歸山  
寺在其巔卽新路罐子窑驛

一壑藏深窈，招提傍翠嵐。茶寮通竹笕，蓮座敞花龕。禮

磬雲房出，移筇石徑探。松筠滿驛路，志稱驛路虬松翠  
竹秀色可餐樓閣

參差爲新客子試停驂，野空風裏平蕪時，湘心楚熱

劉官屯 屬普安州去雲南坡甚  
近舊驛由坡取道劇峻

迢迢普山府驛傳昔所過峻極番納牟山名在州城西北最高峻爲州

之鎮舊驛由此出雲南坡岡阜連亘往來石齒中作鎮高巖峩馬蹄踬疆礫羊

腸引陂陀何年此改轍遵道平不頗吾友鄂司馬雲之祖鄂文端督雲貴

始題改連峯青刺天試望雲安坡

### 亦資孔驛

革納蛾蜋亦資孔一般蠻語譯難知我自盤州咨故實

香羅山下古平夷平夷山名在亦資孔驛南普安州西其地古平夷縣治

### 好深湛思室詩存 卷十六

六



香羅山下古平夷  
好深湛思室詩存  
卷十六  
六

